

101





1. Carp. Crucigeri (Commen-
tarius in Epist: pauli
ad Timotheum, Argen-
torati, 1540.
2. Georgij Wirth hertu.
Cas animi franco-
furti, 1600.
3. Joach. Wertphaly
homilie, Mayse.
Georgi, 1220

ex Sig. Sueri Herodis
Baquet.
Franc. Klerth, 1875.



1-181

Original.

My

or

MS

4
Herodis Ban-
cket oder Gasteren / vber der

Enthauptung Johannis des Teuf-
fers / Marc. 6. In Welchem etliche fürne-
me Sünde vnd laster / die der Sathan in
der Welt zu lochen vnd auffzutra-
gen pfleget verzeichnet
seyn / zc.

Mit viel schönen Sprüchen / Ge-
denckwürdigen Historien / Versen vnd
Reimen / erkläret vnd außge-
legt. Durch

SIGISMVNDVM SVEVVM.

Freistadiensem, Prediger
zum Lauben.

A. C.

*Dum securi homines lautè conuiuia curant,
Excutiturq; omni cum pietate Deus:
Lazarus ante fores iacet: ac cadit ense Iohannes:
Omnia qui cernit, vindicat ista Deus.*

Getruckt zu Franckfort am Mayn.

M. D. LXXV.

2

Handwritten text in a Gothic script, likely a title or heading, possibly starting with 'In nomine domini'.

Handwritten text in a Gothic script, possibly a subtitle or introductory phrase.

Handwritten text in a Gothic script, appearing to be the beginning of a main section or paragraph.

Handwritten text in a Gothic script, continuing the main section.

Handwritten text in a Gothic script, possibly a concluding phrase or a specific reference.

Handwritten text in a Gothic script, continuing the main section.

Handwritten text in a Gothic script, possibly a signature or a date.



Dem Bestren=
gen / Edlen / Ehrnuesten /
vnd wolbenampten Herren Ser-
uatio Reichel / der Löblichen Keyserlichen
Statt Preßlaw Hauptman / meinem
großgünstigen Herren
vnd fürderer.

Gottes Gnad
vnd Segen / durch
Christum vnsern ei-
nigen Heyland vnd
Seligmacher zuvor
Gestrenger vnd wolbenampter
Herr / die weil vil vernünfftige Hey-
den / auß Natürlichem liecht / die
vndanckbarkeit für ein sonderlich
groß laster gehalten / daher auch
Martialis sagt / *Dedecus est sem-*
A ii per

Vorrede.

per sumere, nilq; dare. Ein schand
immer nemen vnd nimmer geben/
oder für empfangene Wolthat sich
nicht danckbar erzeigen. So wil
viel mehr vns Christen/beim Liecht
des heiligen worts gebüren / daß
wir nach erforderung der Warheit
vnd Gerechtigkeit / für empfangene
Wolthaten danckbar seyen.

Nach dem ich mich dann täg-
lichen zuerinnern habe / sonderli-
cher gunst vnd fürderung / vnd
manchfaltiger grossen Wolthaten
so E. G. sampt E. G. Erbarv vnd
vieltugendfamen lieben Haußfra-
wen / mir vnd den meinen erzeiget
vnd beweiset haben / So erkenne
ich mich schuldig / vnd willig / sol-
ches nicht allein mit Worten Christ-
lich

Vorrede.

sich zu rümen/sonderen auch mit de
werck die zeit meines lebens danck-
bar zu seyn/ doch nach meinem be-
ruff vnd geringem vermögen. Wie
auch Cicero lehret vnd sprich / *Cui
gratia referri non potest quan-
ta debetur, habenda tamen est,
quantam maximam animi no-
stri capere possunt.*

Nun weiß vnd hab ich aber
nichts bessers / denn das ich als ein
armer diener des Worts / bißwei-
len ein Sprüchlin/Historiam oder
gleichniß auß heiliger Schrifft für
mich neme / vnd nach den gerin-
gen Gaben so mir GOTT ver-
liehen / durch anleitung fürnemer
Gelehrter Leute/mit fleissigen nach-
denken/nachforschung/erklärung
A iii vnd

Vorrede.

vnd außlegung / mir vnd andern
bekandt vnd nütze mache / Daran
gewißlich keine mühe noch arbeit
verlorn / sondern alles wol angelegt
wirt / Sientemal wir den größten
Schatz vnd Reichthumb darinn
ne finden / Des wir nicht allein in
diesem Zammerthal vnd letzten
heimfart / sondern auch in alle E-
wigkeit zu genießen haben / dar-
umb vns auch der HERR Chri-
stus selbs in die Schrift weist / ver-
manet vnd spricht / *Scrutamini*
Scripturas &c.

In solcher gedachten arbeit / hab
ich vnter andern auch für mich
genommen / die Gedereckwürdige
Historiam vom Bancket oder Gas-
steren Herodis / in welchem Johan-
nes

Vorrede.

nes der Täufer ganz elendiglich
ist enthauptet/vnnd hingerichtet
worden. Darinn des Teuffels
Blut firmessen/sampt vilen Haupt
lastern abgemahlet vnnd beschrie
ben werden/habe solchs meinen be
folhenen Schäßlin / vnnd andern
guthertigen Leuten zu dienst vnnd
gefallen / mit viel schönen Sprü
chen / gedencckwürdigen Historien/
Versen vnd Reimen erkläret vnd
in Truck gegeben/vnnd dasselbe E.
G. vmb obgedachter wolthaten
willen / zum zeichen der danckbar
keit dedicirt / vnnd zugeschrieben/
mit demütiger bitt/E. G. wölle sol
chegeringe doch wolmeinende ar
beit/von mir armen Prediger / zu
gutem gefallen auffnehmen / vnnd
A iiii mich

Vorrede.

mich in E. G. Christlichen gunst
behalten. Unser lieber Gott vnd
Vatter/wölle E. G. sampt E. G.
lieben Gemahl vnd kindern/sampt
dem gantzen löblichen geschlecht/in
seinem Allmechtigen schutz / Väter-
terlich bewaren vñ erhalten/ durch
seinen Sohn Christum Amen.
Gegeben zum Lauben / Anno M.
D. LXXVIII. den IX. Aprilis. an
welchen tage vor CCCXXVII.
Iaren Henricus Pius / Herzog zu
Sigmitz vnd Preßlaw / Henrici
Barbati vnd S. Hedwiggen Son/
mit viel Volcks von den Tattern/
mit weit von Sigmitz/semelich ist er-
schlagen worden. Der ewige All-
mechtige Gott / wölle die löbliche
Stadt Preßlaw / sampt andern
vmb

Vorrede.

Umbligenden Stätten vnd Län-
deren / für Türcken / Tattern / Mus-
scouittern vnd anderen schädli-
chen Gästen hinfüro gnediglich be-
hütten vnd bewaren / durch seinen
lieben Sohn Christum / Amen.

E. G.

Dienstwilliger


Sigismundus Schwab
Prediger zum Lauben.




Histo-


Handwritten text in a Gothic script, likely a list or index of contents, arranged in several lines.

Handwritten text, possibly a title or a specific entry, located in the middle section of the page.



Handwritten text at the bottom of the page, possibly a date or a signature.





Historia vom
der Enthauptung Jo-
hannis des Teuffers Mar. 6.



Herodes
hatte außge-
sandt / vnd Jo-
hans

Herodis Bancket.

Johannem gegriffen vñ ins gefengnis
gelegt/vmb Herodias willen/seines
Bruders Philippus Weib / denn
er hatte sie gefreit. Johannes aber
sprach zu Herode: Es ist nicht recht
daß du deines Bruders Weib ha-
best. Herodias aber stellet im nach/
vnd wolt in tödten / vnd kund nit/
Herodes aber furcht Johannem /
denn er wuste / daß er ein frommer
vnd heilliger Man war / vnd ver-
wahrt in vnd gehorchet im in vilen
sachen / vnd höret in gerne.

Vnd es kam ein gelegner tag/
das Herodes auff seinem jar tag/
ein Abentmal gab / den Obersten
vnd Hauptleuten vnd fürnembssten
in Galllea. Da tratt hinein die
Tochter der Herodias vnd tanket/
vnd

Herodis Bancket.

vnd gefiel wol dem Herode/vnd denen/die am Tisch sassen. Da sprach der König zum Meidlin/bitte von mir was du wilt/ich wil dir geben/vñ schwur jr einen eydt was du wirst von mir bitten / wil ich dir geben/biß an die helffte meines Königreichs. Sie gieng hinauß vnd sprach zu irer Mutter/Was soll ich bitten? Die sprach/das Haupt Johannis des Teuffers. Vnd sie gieng bald hienein mit eile zum Könige/bat vnd sprach/ich wil daß du mir gebst/iezt so bald / auff ein schüssel/das Haupt Johannis des Teuffers.

Der König ward betrübt / doch vmb des eides willen/ vnd derer die am Tisch sassen / wolt er sie nicht lassen ein fehlbitte thun.

Vnd

Herodis Bancket.

Vnd bald schickte hin der König
den Hencker / vnd hieß sein Haupt
herbringen. Der gieng hin vnd
enthauptet ihn im Gefäncknuß /
trug her sein Haupt auff einer
Schüssel / vnd gabs dem meid-
lin / vnd das meidlin gabs ihrer
Mutter. Vnd da das seine jün-
ger hörten / kamen sie / vnd namen
seinen leib / vnd legten ihn in ein
grab.

In dieser Erbärmli-
chen vnd kläglichen Historia / von
der Enthauptung des heilige Mannes Jo-
hannis des Teuffers / haben wir ein recht
traurigs Bilde / der Warhafftigen Christli-
che Kirchen / darin wir sehen / wie auch from-
me Christen in dieser Wüsten dem Teuffel
vnd seiner Braut herbucken vñ Blutschwi-
gen

Vancket Herodis.

ken müssen. Darüber sich auch vil hochweise leuth nach irer vernunfft sehr ergeren / vnnnd hefftig bekümmern / wie doch vnser Herr Gott solchem jamer zusehen könne. Davon allein wir Christen in Gottes Wort gründlichen bericht / lehr vnd trost finden / Da vns vil vnd mancherley / aber farnemlich dreherley vrsachen gezeiget werden / Warum es vnser Herr Gott geschehn lasse / daß seine liebe Christen allhier auff Erden vom Teuffel vnd der Welt so schendlich vnd vbel tractirt / vnd gleich durch die Spiesse vieler trübsalen gejaget werden.

Dren fürs
nemer vrs
sachen der
heiligen
leiden.

Erstlich darumb auff daß Gottes gerechter zorn / wider aller Menschen Sünd erscheine / Sintemahl alle Menschen in Sünden empfangen vnd geboren / auch im ganzen leben / mit sünd vnd gebrechlichkeit beladen / vnnnd deshalben so viel jammer vnd trübsals vnderworfen sein.

I.
Psal. 51.
Ephes. 2.

Rom. 6.

Darnach / die Lehre von dem gecreuzigten Christo zubezeugen / Denn wer
B sich

II.

Vancket Herodis.

sich vber der bekentniß Christi vnd sei-
nes Worts hinrichten vnd würgen les-
set / bezeuget warlich gnugsam / daß er
mit seiner lehr nicht gute tage oder zeitli-
che ehr vnd herrligkeit / sondern Gottes
ehr / vnd vieler Menschen heil vnd wol-
fart suche. Wie auch Sanct Paulus von
seinem Creuz vnd Leiden schreibet Phi-
lip. i. Quæ mihi acciderunt, ad profe-
ctum Euangelij prouenerunt. Als wolt
er sagen: Daß ich auß Gottes zulassung/
in der Welt so weidlich durch die Kolen
gerückt werde / das sol meiner lehr keinen
schaden thun / sondern durch G^otes
hülffe dahin gerahen / daß viel fromme
Leut mit grösserm ernst vnd bestendig-
keit beim Euangelio halten.

III.

Endlich sol Heiliger leuth Schweiß-
bad / Angst / Marter / Leiden / Noth vnd
Todi / ein zeugniß sein des zukünfftigen
Ernsten Gerichts / in welchem die Ty-
rannen vnd alle Gottlosen die allhie im
saufe gelebt / sampt allen Teuffeln / sollen
zu ewiger marter vnd Pein / in abgrund
der

Dancket Herodis.

Der Hellen verstoffen / vnd dagegen die
frommen/so allhie recht das segewort ge-
habt / zu ewiger frewdt vnd herrligkeit
eingeführet werden. Denn Gott wird
den Gerechten nicht in vnruhe lassen/
Psalm 55. Darumb sollen wir vns in
dieser frembden Herberge / da vns der
Teuffel mit seinen Schandgesten/man-
chen vnflätigen Trunck vnder die augen
spräen / vnd mit den Kannen hinnach
schlagen / Dücken vnd Bücken / dulden
vnd leiden lernen / in glaubiger hoffnung
der tag vnser Erlösung sey nicht ferre / in
welchem wir alles Leids reichlich sollen
ergetet werden / Rom. 8. Dieser zeit Ley-
den ist nicht werth der grossen herrligkeit
die an vns soll offenbaret werden.

Solches alles gehört sarnemlich in
dritten Artickel vnser Christliche glau-
bens / darinne wir bekennen eine H. Christ-
liche Kirche / welche in disem lebē dem lie-
ben Creuz vnterworffen ist. Vñ mögen
die summa dieser lehr wol fassen / in den
spruch des 75. Psalm / welcher also lauret:

B ij Des

Banket Herodis.

Der Herr hat einen Becher in
der Handt / vnd mit starckem
Wein voll eingeschenckt / vnd
schencket auß demselben / Aber
die Gottlosen müssen alle trin-
cken / vnd die Hefen außsauffen.

Rom. 8.

Dieses ist eigentlich der Becher des
Leidens / auß welchem viel frome heilige
Leuthe manchen starcken Trunck thun
müssen / das ihu die Augen vbergehen /
doch zu keinem schaden. Denn wir wis-
sen (Spricht Sanct Paulus) das de-
nen / die GOTT lieben / alle ding zum
besten dienen. Aber die Gottlosen / die
GOTTES Wort vnd seine Die-
ner verachten / Vnd in Sünden ohne
Busse dahin fahren / die sollen die Hefen
der Hellischen / Grundsuppen außtrin-
cken / vnd den ewigen Todt daran sauf-
fen. Des wir alles inn dieser gedenc-
würdigen Historia vonn der Enthäup-
tung Johannis / klaren bericht finden.

Nun

Bancket Herodis.

Nun ist aber hie vnser fürnemmen nicht/ die ganze Historia von Wort zu Wort / nach allen vmbstenden zu erkleren vnd außzulegen / sondern wir wöllen allein das Bancket Herodis für vnsemmen/vnd betrachten / was schreckliche Sünden vnd Laster der Erzügnier vnd Mörder der Sathan / in diesem Bancket gelochet vnd gebrawen / vnd seinen Geste am Hoff Herodis auff vnd fürgetragen hat. Nemlich / wie der König Herodes / mit seinem Frauenzimmer vnd Hofleuthen / **GDZ** des Wort vnd Diener verachtet / geschwelget vnd gesoffen / Vnzucht vnd Leichtfertigkeit geübt / groß Gut vergeudet vnd verschwendet / felschlich vnd vnrecht geschworen / vnd wie die Heuchler am Tische solches alles mit ihrem stillschweigen vnd zusehen billichen vnd fürderren / bis endlich ihre Collation mit dem Blut Johannis zu einer rechten Mordfirmes eingeweihet worden / dauon auch die Geste sampt dem Wirte ihren gebür-

B iij lichen

Bancket Herodis.

lichen Lohn vnd Straff bekommen ha-
ben/ zur warnung allen frommen Chris-
sten/ daß sie solche oder dergleichen Ban-
cket / Collationen vnd Gastereyen / da
der Teuffel Wirt ist / Vbi peccata re-
gnant, da gemeiniglich schand vnd scha-
den zum letzten Gericht auffgetragen
wird/ fliehen vnd meiden sollen.

Solches desto nützlicher zu fassen/ sol-
len wir hie mercken/ daß vns im Bancket
Herodis fürnemlich Sieben Laster be-
schrieben werden. Als:

1. Verachtung **GOTTES**
Worts.
2. Fressen vnd Sauffen.
3. Vnzucht.
4. Verschwendung der güter
durch geschenck.
5. Fal

Bancket Herodis.

5. Falscher oder vnrechter
Eyd.
6. Heuchelen.
7. Tyranny vnd Blutver-
giessen.

Dauon wollen wir ordentlich berichte
lernen / nach dem vns Gott gnadt ver-
leihet

I.

Lestlich erscheinet in diesem Ban-
cket / Verachtung **GDZ**
tes Worts / schreckliche Sünd
widere dritt Gebot / in welchem **GDZ**
sein Wort / nicht allein treulich zu leh-
ren vnd zu predigen / sondern auch fleis-
sig zu hören vnd zu lehren / mit ernst
befohlen hat. Nach solchem befehl hat
Johannes der Teuffer **GDZES**
wort treulich gepredigt / auff Christum /
als auff das rechte Lamb Gottes / welches *Johan. 1.*
der Welt Sünde tregt / mit Hand vnd

B iij Mund

Bancket Herodis.

Mund gezeiget / mit sonderlichem ernst
Sünd vnd Laster gestrafft / vnd jeder-
man zur busz vermanet. Wie er den auch
dem Könige Herodes einen scharpffen
Text gelesen / mit diesen Worten: **E**s
ist nicht recht / daß du deines
Bruders Weib habest. Als wolt
er sagen: Du König/lebest in vnzucht
vnd Blutschanden / wider Göttlich
vnd Wellich Recht/ja wider alle zucht
vnd erbarkeit / Vnd ist hohe zeit / daß
du ernste Busse thust/dein Sünd erken-
nest / vnd bekennest / bey Christo hülffe
vnd trost suchest/ vnd hinfüro in Got-
tes furcht lebest/ oder wird dich **G**o-
Tes gerechter zorn / durch gebürliche
Straffe dermassen oberfallen vñ heim-
suchen / daß alle Welt wirdt von dir zu-
singen vnd zusagen wissen. Darbey
auch abzunemen / weil Johannes dem
Könige scharpff gnug eingeredt / daß
er freylich dem Frauenzimmer vnd
Hoffleuthen/nichts vnter die Banck ge-
steckt/

Vancket Herodis.

steckt/sondern one schew den Text sampt
der Glosen für gelegen hat. Vnd in
summa wie auß allen vmbstenden gnug=
sam erscheinet / So hat Johannes der
fromme Hoffprediger seinen Pfarrkin=
dern / Geseß vnd Euangelium mit sol=
chem ernst geprediget/das sie billich sol=
ten nicht allein schamrot geworden sein/
sondern auch je eh je besser/mit warer bus=
se sich zu Gott beferet haben.

Aber was geschicht: der König sampt
dem Frawenzimmer vnd Hoffleuthen/
haben nicht allein auß der Predigt Jo=
hannis nichts gelehret / sondern nem=
mens auch mit solchem vnmuth auff /
als habe Johannes wider ihr ampt vnd
Ehre geredt/ vnd wölle ihnen keins we=
ges gebüren solches vom dem elenden
Pfaffen zu leyden. Herodes trach=
tet ihm nach dem leben / Herodes lüschet
vnd birget den Fuchß. Die ganze
Malzeit vber / wirdt GOTTES vnd
seines Worts / noch des frommen Pre=
digers/

Bancket Herodis.

digers / nicht mit einem Wörlin zum besten gedacht / sondern trachten alle dahin / wie der unnütze Wescher vñ Spenser (darfür sie in hielten) möchte beseit geschafft werden / damit sie hernach / nach eigenem gefallen leben / vñnd guter ding sein möchten.

Also gehts noch heut in der Welt / vnser Herr Gott sendet zu vns Propheten vñd Weysen vñnd Schriftgelehrten / ja der Sohn Gottes sitzt auch darumb zur rechten des Vatters / auff daß er vnns Propheten / Euangelisten / Hirten vñnd lerer gebe / die nach seinem befehl Gottes Wort predigen / jederman zur Buß vermanē / auff Christi verdienst weisen / vñd ihnen den rechten Steg vñnd Weg zum leben zeigen. Aber da gehet des Teuffels hoffgesindlein / der Gottlos hauffe / sein sicher daher / vñd achten frommer Seelsorger lehren vñnd predigen / ruffen vñd schreien / so viel / als wenn sie ein Gansß anpuffe / ja sagen wol stracks / wie jene:
Wir

Bancket Herodis.

Wir wöllens nicht thun / vnd wo sie sich
schuldig vnd getroffen fühlen / meinen
sie auch es sey irem stand vnd ehren vil zu
nahe / vñ keines wegs zuleiden / drum̄b sie
nit allein die Nasen rümpffen vnd sawer
sehn / sondern auch ganz wütend vnd ra-
send grunzen schnarchen vnd pochen /
vnd mit ernst dahin trachten / wie sie ar-
men predigern widerumb ein Schertz be-
weisen / sie mit öffentlichen schmehbrief-
fen / vnd Lügenschriften bey vilen leuten
verunglimpfen / bey Hof oder sonstē ein
bad bestellen / ein Kugel durch den leib ja-
gen / mit einem Knebellspiesse decken / oder
sonsten ihr mütlin an ihnen kühlen / vnge-
achtet / daß fromme Leuth / die Ehr vnd
gut Gewissen haben / die Straff predig-
ten in keinem argen auffnehmen dörfen /
Auch die schuldigen nicht besser darvon
kommen mögen / als daß sie Busse thun
vnd fromm werden. Aber es gehet ge-
meiniglich nach dem Sprichwort / daß
die Hunde so getroffen werden / sich
balde

Bancket Herodis.

balde mit grossen geschrey hören lassen.
Item wie die bösen Hunde / so inn ein
Wasser fallen / auch nach denen / die inen
helffen wollen / ganz grimmiglich schnap
pen vnd beissen. Sonderlich aber ist's ge
mein / daß Gottlose Leuth in Bancketen /
Collationen vnd Bierzechen / von Got
tes Wort vnd Dienern scherzlich vnd
leichtfertig zureden / vnd mancherley
gifftige practicken wider sie zu stifften
pflegen.

Solche verächter wil Gott mit ern
ster straff heimsuchen / wie seine drey
wort lauten / als Deute. 28. Da ein ganz
lang Register voll geschrieben ist / von
schrecklichen plagen vber die verächter
Gottes vnd seines Worts / Jerem. 29.
wirdt ihnen gedräwet mit Schwerdt /
Hunger vnd Pestilenz / vnd mit vnausz
sprechlichem jammer: Matthei am drey
vnd zwanzigsten. Lest sich der Herr Chri
stus gar mit ernstigen Worten hören: Ich
habe euch oft versamlen wollen / wie ei
ne Henne ire Hüncklin vnter ihre flügel
ver-

Bancket Herodis.

versamlet / aber ihr habt nicht gewolt /
Darumb sol ewer Haus Wüste gelassen
werden. Das ist / Ich hab mit meinem
Wort vnd Sacrament bey euch gehau-
set / vnd allenthalben ewer bestes gesucht /
Aber weil ihrs alles verachtet / so will ich
auch mit allem Heyl wider vonn euch
wandern / Vnd möget gewarten / daß
neben allerley Schwermern vnd Kot-
tengeistern / auch ein hauffen Kriegß-
gurgeln bey euch einkehren / vnd alles
Wüste genug machen. Sanct Paulus
dräuwet auch mit **GOTTES** zorn
vom Himmel vber alles Gottloß wesen /
Rom. i. Theodulus vber das erste Cap.
ad Rom. spricht: Inobedientibus & in-
credulis poenam interminatur Euan-
gelium. Lutherus (seliger gedechtnuß)
der werde Man Gottes / hat offtmals die
verachtung des Worts gar hercklich be-
klagt / vnd mit **GOTTES** schrecklichen
zorn vnd schweren straffe gedräwet. Als
mit diesen vnd dergleichen worten. Solte
Gott vber die verachtung seines Worts
nicht

Vancket Herodis.

nicht zornig werden? Solte nicht thewre
zeit kommen? Solt nicht Pestilenz/
Schweiß/Franksosen vnnnd andere pla-
gen vns finden? Solten nicht verblendte
Leuth wilde wüste Tyrannen regieren?
Solte nicht Krieg vnd hadder entstehen?
Solte nicht böse Regiment in Teutsch-
landt werden? Solten nicht Türcken
vnnnd Tattern vns plündern? Ja es we-
re nicht wunder / daß G. D. t. beyde die
Thüren vnd Fenster in der Hellen auff-
thet / vnd eitel Teuffel vnter vns schneien
vnd schlagen liesse / oder daß er vom Him-
mel eitel Schwefeln vnd Helligsch feuer
vber vns Regnen / vnnnd wie Sodama
vnnnd Gomorrha vnns versincken lies-
se / &c.

Daß auch solch dräuwort / so G. D. t.
durch seine diener führet vnnnd braucht /
kein scherz / sondern lauter ernst sey / das
pfleget G. D. t. selbs mit der that gnug-
sam zu bezeugen. Denn man bedencke
nur wie er mit der erste Welt geseherket
hat / Da kein Predigen noch vermanen
helffen

Bancket Herodis.

helffen wolte / sondern der fromme Loth *Genes. 7.*
mit seinem predigen veracht vnd verla-
chet wardt / da muste die ganze Welt im
Wasser vndergehen / bis auff acht Per-
sonen. Bey den Sodomitern wardt *Genes. 9.*
Lachen thewer / da sie im Feuer vnd
Schwefel zu grund gehen musten. Die *Exo. 14.*
Egyptier musten im Roten Meer ab-
sattelen vnd außspannen / vnd eben in
derselbigen Herberg verderben / dahin
Pharao vil vnschuldige Kindlin der *Jf. 4. Re. 19.*
raeliten hette werffen lassen. Dem Sen-
nacherib / als er *G D Z* Des Volck gar
außzutilgen gedacht / wurden in seinem
Heer inn einer Nacht durch den Engel
des Herrn hundert vnd fünff vnd ach- *185000.*
zig tausent Man erschlagen / vnd er selbst
der König / als er gen Ninive flohe / ward *4. Re. 9.*
von seinem eigenen Sohn erschlagen /
Das Schandmaul der Gottlosen Jesa-
bel so Gott vnd seine Diener lästerte /
musste von Rossen zutretten vñ von hun- *2. Mof. 9.*
den gefressen werden. Antiochus welcher

Bancket Herodis.

zu Jerusalem schrecklich hauß gehalten
hatte/vnd nu wider im anzug vnd wil-
lens war ein Todten grube darauß zu-
machen / fiel vom Rennwagen/ zerbrach
alle seine gliedmaß im Leibe/ward voller
Würme / faulde vnd stank / daß nie-
mand omb in bleiben kondte/ mußte also
als ein feind Gottes omb seines Worts/
in frembden Landen / schendlich sterben/
vnd verderben.

Die zerstörung Jerusalem/in wel-
cher vil hundert tausent Menschē/ durch
Hunger / Pestilenz / vnd Schwerdter/
gar Elendiglich ombkommen sind / ist
freylich ein mercklicher Spiegel des
schrecklichen zorns Gottes vber die ver-
achtung seines Wortes. Auch zeigen die
Chronicken viel Römische Könige vnd
Keyser / die ahn G D Z vnd seinen
Worte gar schendlich die hand vnd das
Maull verbrandt haben. Cosroes der
König in Persia, Welcher G D Z des
Volck vnd Kirche gar austilgen wolte/
vnd dem Keyser Heraclio sagen ließ.
Non

Bancket Herodis.

Non parcam vobis, nisi crucifixum De- *Annō*
um abnegetis, & solum vnā mecum a- *627. 12.*
doretis. Das ist/ Ich will von euch nicht *Decemb*
ablassen/oder wil ewer nicht verschonen/
biß das ihr den gecreuzigten **G D E**
verleugnet / vnd mit mir die Sonne an-
betet. Der ward vom Keyser Heraclio
vberwunden/vnd in der flucht von sei-
nem eignem Sohn erschlagen. Graffe
Felix vom Werdenburg / der sich zu
Augspurg im Reichstag öffentlich her-
te hörenlassen / Wo es zum Kriege wi- *Annō*
der die Lutherischen keme/das er sich vmb *1530. 12.*
sonsten wolte darzu gebrauchen lassen/ *Iulij*
vnd sonst viel drauwort brauchte/
ward auff die nechst folgende Nacht im
Bette todt gefunden. Darob ein ander
Graff / der auch Gottes Wort zuwider
war / als er die zeitung höret / so sehr er-
schrocken / das er todt franck geworden/
O felix quem faciunt aliena pericula
cautum. Denn warlich Gott schercket
nicht / Sondern wie des Eobani Helli
Vers lautet: Iratum grauis est res ha-
C buisse

Bancket Herodis.

büiße Deum. Es solte einer lieber die
ganze Welt vnd alle Teuffel erzürnen/
dann Gott zum freinde haben / welchem
freylich niemand widerstehen noch ent-
lauffen kan. Man soll auch gewiß dafür
halten / daß die gemeinen Landplagen/
Thewerung / Pestilenz vnd Krieg son-
derlich straffen sein / dadurch neben an-
dern Sünden auch die verachtung Got-
tes Worts schrecklich heimgesucht vñ ge-
strafft wirdt. Vnd wenn man nur fleis-
sig auffmercken wolte / würde man inn
gemeinen stenden wunder erfahren/was
schrecklich Felle bey den verächtern des
Worts sich zuzutragen pfleget/wie alle
ihr anschleg vñnd practicken den Krebs-
gang gehen/ vñnd wie sie entlich ohn al-
len trost dahin fahren. Wie jener Bür-
ger zu Torga / welcher inn seinem gan-
zen Leben nach Gottes Wort vnd Sa-
crament nicht fragete/biß da im die Seel
wolt aufffahren/ eylend nach dem Pfaf-
fen schickete / aber dasselbe / da auch der
Pries

Sancket Herodis.

Priester schon vorhanden war / vñnd
ihm das Sacrament reichen wolt / nicht
erleben kondte / sondern vñnder henden
ohne Sacrament also dahin Starbe.
Im summa / **G D T T** pfleget es mit
den Verächtern seines Worts gemei-
niglich also zu machen / daß sie mit schand
vñnd schaden erfahren müssen / was das
gesagt sey / Qui contemnit verbum,
malè habebit. Prouerbiorum 13. Dar-
umb mag ein jeder lernen / **G D T T** es
Wort lieben vñnd vben / dasselbig auch
nach seinem stand vñnd vermögen eh-
ren vñnd fürderen / des wird er ehr vñnd
frommen haben / wie der erste Psalm
verheißt vñnd tröstet. Auch der ander
Psalm treuwlich vermanet / den Sohn
G D T T E S zu küssen. Vñnd im
fünff vñnd sechzigsten Psalm für Se-
lig gepreiset werden alle die bey reiner
Lehr vñnd rechtem brauch der Hoch-
würdigen Sacrament wohnen mögen.
Darvon wir billich singen vñnd sa-
gen.

Bancket Herodis.

Wol dem/den du erwelen thust/
Bey deinem Wort zu wonen.
Der hat die gröste frewd vnd lust/
Die Welt fans nit belohnen.
Wer dich auß deinem Wort erkent/
Vnd brauch zu trost die Sacrament/
Den mag man selig preisen!

Darauff auch diese nachfolgende
Verse vñ reimten wol zu mercken sein.

*Omina si perdas, verbum seruare memento,
Amisso verbo, postea nullus eris.*

Hör Gottes Wort/vnd merck darbey/
Daß solchs der beste/Reichthumb sey.
Dafür du wagen solt/vnd geben/
Dein hab vnd gut/auch leib vnd leben.
Denn wo du Gottes Wort leßt fahrn/
So ist dein glück vnd heil verlorn.

II.

DAs ander Laster im Bancket He
rodus ist gewesen Fressen vnd
Sauffen /widern sechste Ge
bot/ in welchen Gott nicht allein die vn
zucht

Bancket Herodis.

sucht vnd allerley vnreinigkeit / sondern
auch die Schwelgeren in essen vnd trin-
cken / als ein vrsach des vnordentlichen
wesens / verbotten hat. Essen vnd trin-
cken ist nicht verbotten / sondern Fressen
vnd Sauffen ist verbotten. Darumb
das Herodes mit seinem Frawenzim-
mer vnd Hoffleuthen isset vnd trincket /
ist nicht vnrecht / sondern das sie der Ed-
len gaben Gutes zum oberflus mis-
brauchen / vnd dadurch dem Teuffel ge-
legenheit einreumen / viel vnlust zu brin-
gen / das ist wider Gott vnd sein Ge-
bot. Wie denn auß vielen vmbstenden
dieser Historien erscheinet / das Herodi-
as mit ihrem Töchterlin / auff diese gele-
genheit gesehen / Wenn Herodes wol be-
recht vnd guter ding were / sie ihn desto
leichter bereden / vnd ire practicken wider
Johannem desto schleuniger vnd ge-
schwinder fardern möchten / vnd ist wol
zugedencken / das sie alle mit einander
im ganken Conuiuij, zu einer andern
zeit / inn Nüchternen weise / mehr bedens-
E iij ckens /

Bancket Herodis.

ckens vber diesem handel möchten ge-
habt haben. Aber der Wein redt dem
Frawenzimmer ihr wort/der Wein felt
durch Heroden das vrtheil/der Wein
schmeckt den Ghesten sowol/ daß sie alle
das placebo singen/sonnd nicht einst be-
dencken was schand vnd schaden darauß
folgen werd.

Dabey ist zusehen was der Teuffel
beim trunck fürderen vnd außrichten
kann / Nemlich wie ihm durch völlerer
thüren vnd Fenster auffgesperret wer-
den / dadurch er grosse Heufuder voll
Sünde vnd Laster / vnd zu lezt das
verderben einführen möge. Wie denn
Salomon in seinem Prouerbijs Cap. 23.
viel schadens erzelet / so auß truncken-
heit zu folgen pfleget. Auch Sanct
Paulus bezeuget / Ephes. 2. Daß auß
trunckenheit ein vnordentlich leben fol-
get. Mit welchem auch Origenes stimmet/
vnd spricht: Ebrietas est mater omni-
um vitiorum. Welches auch erschei-
net auß der Historia von einem manne
dem

Bancket Herodis.

dem der Teuffel statts anlag/ er solte sich ihm zugefallen/entweder ein mahl vollsauffen / oder mit des Nachbars Weibe Bulen / oder ihren mann den Nachbar umbbringen vund erwürgen / welchem der arme man/ damit er nur ferner vom Teuffel zu ruhe sein möchte / gehorchet/ die trunckenheit für ein schlechte Sünde achtet/ si h dem Teuffel zugefallen vollgesoffen hat. Aber in trunckener weise ist er auch durchs Teuffels anleitung dahin gerathen / daß er seines Nachbars Weib/ für die schönste in der Welt angesehen/ vund mit ihr gebuhlet hat. Bis endlich jr Mann zu masse kömpt / den er auch jemmerlich erwürget hat. Darum darff niemand die völlerrey für ein schlechte Sünd achten.

Damit aber jederman diß schendliche Laster / mit höchstem ernst möge hassen fliehen vund meiden lernen/ So ist gar wol zu mercken / daß dem vnrödentlichen Leben in essen vund trin-

Bancket Herodis.

cken / nemlich dem Fressen vnd Sauffen / zu gebürlicher straff / fürnemlich vierley Schaden zu folgen pflegen. Als an Ehr vnd Gut / an Leib vnd Seel. Wie Ordentlich hernach gemeldet wirdt.

Erstlich thut vollerem einem jeden grossen schaden ahn seinen Ehren / das man nichts von ihm helt / sondern wirdt von meniglichen / als ein pur lauter Narz veracht / vnd verlacht / wirdt nicht leicht zu ehlichen Emptern / sachen oder Henden gebraucht / sondern ehe darvon abgesondert vnd abgesetzt / Kinder vnd alle Leuth weisen mit fingern auff ihn / vnd muß jedermans spottvogel sein. Vnd wer wolt auch mit einem vollem zappen sehr prangen oder viel von ihm halten? Plutarchus schreibet von den Spartanern / wie sie auff ihren Hochzeiten vnd freudensfest / ire Beurische grobe knecht / so man Helotas genant / Sewoll gemacht / vnd dieselben als vngewone Monstra ihrer jugendt zum Spectackel fürge-

Banket Herodis.

fürgestellet haben/damit sie an iren Mär-
rischen vñnd schendlichen geberden/die
trunckenheit für ein gewlichs schend-
lich Laster halten / vñnd ihr lebenslang sich
dafür hütten lerneten. Denn es freylich
vmb trunckene Leuth so seltsam stehet/
daß billich ein jeder der vernunfft hat/
sich darüber entsetzet vñnd einsehew da-
für hat.

Man pfleget zu sagen/daß die trun-
ckenheit sonderlich den weibern vbel an-
stehe/vñnd das ist auch war/dem eusserli-
chen ansehen nach zu rechnen/denn die
Weiber können ihre Affect vñnd Art
kaum nüchtern im Zaum halten / wie
soltten sie sich deñ können regieren/wenn
sie toll vñnd voll sind / können ihr eigen
schand selbs nicht decken. Darumb die
Römer vorzeiten weißlich gethan / daß
sie den Weibern Wein zutrincen ver-
botten haben. Wie auch noch in Hispan-
nia anvielen orten den Weibern kein
Wein gegeben wirdt. Aber wenn man
die art oder natur des Menschen anse-
hen

E v hen

Bancket Herodis.

hen vñnd betrachten wil/ wie die weiber
gar schwache gefeß/ vñ dagegen die Män-
ner mit grösserm verstand/ mit vñ sterck
begabet sein/ darumb inen auch das Re-
giment befohlen ist/ So ist gewißlich die
trunckenheit den Männern viel ein gröf-
ser schand als den Weibern/ darumb sie
sich auch desto mit grösserem ernst dafür
hüten / vñd ire Mannheit dawider oben
vñd beweisen sollen.

II.

Zum andern thut die Schwelgeren
oder völlerem grossen schaden am Gut/
manche Leuth jagen auff einen abend
durch den halß / davon sie sich sonst
etliche tage behelffen köndten / Was
manche Handwercks Leuth / Arbeiter
vñd Tagelöner die Wochen vber mit irer
schweren arbeit zusammen treiben/ das
muß am Sonntag oder auff einem guten
Montag versoffen sein / darnach gehen
sie mit Weib vñd Kindern nackend vñd
bloß/ leiden hunger vñd kummer / vñnd
werden mutwillige Bettler. Prouer. 23.
Syr. 19.

Wie

Bancket Herodts.

Wie aber in Bancketen nicht allein viel dings ohne Not auffgefressen vnd gesoffen / sondern auch sonsten durch vbrigen prachte / vnd vngübliches fürnemen schendlich hingebacht wird / davon wirdt hernach Bericht folgen. Allhie wirdt allein davon gesaget / Was der Mensch vberflüssig zu sich nimpt / daß er auch seiner Nahrung damit schadet.

Zum dritten wirdt auch von völlerey III. beschedit des Menschen Leib vnd Leben / alles was an ihm ist innwendig vnd außwendig / Ir gedechtnuß sinn vnd verstand / werden verwirret vnd geschwächt / wie Sanct Augustini wort lauten / Ebrietas aufert memoriam, dissipat sensus, confundit intellectum, &c. Vnd Syrach. 19. spricht: Wein vnd Weiber / bethören die weisen. Mancher seuffet sich gar zum Narren / daß er selbs nicht weiß / was er ist / was er redt oder thut. Was mancher mit Zangen nicht auß ihm bringen ließe / Das kan

in

Vancket Herodis,

Im der Wein abmarteren. Hyperides
der treffliche Orator von Athen / da er
gefangen gen Corinth für den Antipa-
trum gebracht / vnd mit peinlicher frag
angegriffen ward / bisse im selbst die zung
ab / damit er die Statt Athen nicht etwa
in not brecht. Aber man darff manchem
nur ein gute Zechen Wein oder Bier ge-
ben / so bekent er alles was er weiß / es ge-
reiche gleich wozu es wolle / ia sie können
jhr eigene schande nicht verschweigen / es
muß alles heraus. Quod in animo lo-
brij, id in lingua ebrij.

Wenn sie zu Bette liegen / so gehet al-
les mit ihnen vmb / wie einer der mitten
im Meer schlafft. Davon Salomon
sagt Pro. 23. Wie auch Ludouicus Cœ-
lius eine Historia meldet / vonn etlichen
jungen Gesellen / die in trunckener weise
nicht anders gemeinet / als weren sie auff
einem Schiffe / mit dem es in grosser ge-
fahr stünde also daß sie Schiffbruch
leiden würden / darumb sie gleich im
Schlaff auffgefahren sein / vnd was sie
im

Vancket Herodis.

im Hause gefunden / vonn Haußrath /
hinauß auff die Gassen geworffen ha-
ben / wie man in Schiffbruch / was man
nur in eil erwischen kan hinaus ins Me-
er zu werffen / vnd das Schiff leichter zu-
machen pflaget. Wenn sie außgeschlaf-
fen haben / sind sie zu allen dingen ver-
drossen vnd vngeschickt / wiewol es man-
che in ein stätte gewonheit bringen / gar
selten nüchtern / sondern immer toll vnd
voll sein / vnd der franckheit mit einem
gutem Schlaff abzuhelffen vermeinen.
Wie Bruder Sperling der Berndie-
ner Mönch zu Breslaw / der sich zum
Valete (als die Berndiener auß eignem
muthwillen weg wanderten) so voll ge-
sossen / daß er nicht auff seinen füßen ste-
hen kondie / Sondern durch die Stadt
zween andere ihnen als einen Krancken
führen mußten / vnd vor der Stadt inn
einem Garten außschlafen ließen / da
viel guthertzige Matronen zu ihm ka-
men / im Speise / tranck vñ labfal brach-
ten / vmb in herumb stunden / ihn klagten
vnd

Annō
1522. 200
Iunij.

Banket Herodis.

vnd sprach: Warlich der gute Bruder
ist schwach vnd krank / vnd zu besorgen /
er wirdt schwerlich den andern tag vber
leben / da richt er das Haupt auff vnd
sprach: Ach nein / liebe Schwestern / seid
vnbekümmert / Ich hoffe es werde nicht
noth haben / denn mir ist alle mahl also /
wenn ich voll bin / wenn ich nu außge-
schlaffe / so wirds besser mit mir. Warlich
von dieser Regel halten noch viel Leuthe
aber es lezt sich die lenge nicht außschlaf-
fen / sondern da folget schwachheit vnd
Krankheit. Alle Adern vnd Glied-
maß erstarren vnd erzittern / wie der al-
te lehrer Basilius schreibt / daß die Trun-
cken baldt ihnen muthwillig des Cains
plage auffn Hals laden / also daß sie wie
Cain mit zittern vnd beben ihr Leben
zubringen müssen. Vnd wer kan
erzehlen allerley Krankheiten / so durch
völlerey erreget / erwecket vnd gefür-
dert werden / dauon man zusagen pfe-
get. Liessen wir die Güsse / so liessen vns
die flüsse. Darauff folget auch die ver-
für-

Vancket Herodis.

Kürzung des Lebens / vnnnd mancher im
Vancket eingehet vnd todt bleibet. Wie
beim Alexandro magno geschahē / da er
den Säuffern ein güldene Kron auff
warff / vmb welcher willen sich Proma-
chus zu todt soff.

Auff solchen schaden weist auch Sa-
lomon Prouerb. 23. da er gar treuwlich
warnet vnd spricht: **S**ihe den Wein
nicht an / daß er so rot ist / vnnnd
im Glas so schön stehet / er gehet
glatt ein / Aber darnach beist er
wie eine Schlange / vnnnd sticht
wie eine Ottern. Davon auch S.
Augustin. sagt: Ebrietas est dulce vene-
num. das ist / ob der Wein gleich schön ist
vnd wol schmeckt / so ist dennoch der ober-
fluß vnnnd mißbrauch desselben ein süße
gift / dadurch dem menschen ganz höff-
lich vñ behēd abgeholfen wirt / wie etliche
Schlan

Bandet Herodis.

Schlangen Aspides genant / wenn sie
Ben Menschen beissen oder stechen / keine
sonderliche wunden oder schmerzen / son-
dern einen sanfften Schlaf bey bringē /
darinn er ganz leicht vnd geschwind da-
hin geht vnd stirbet. Darum auch Cleo-
patra die Königin in Egypten / damit sie
vom Keyser Augusto nit gefangen noch
zu Rom im Triumph dörffte gezeiget
werden / solche Schlangen zu ihr geleeget
hat / damit sie fein sanfft / gleich wie in ei-
nem Schlaf / dahin gestorben ist. Der
halben wer seinem Leben gram ist / vñ im
fürder zeit geschwind abhelffen wil / der
mag sich auff freffen begeben / wie sich
dann viel leuth diese in nach verhaltē / da-
mit das Sprichwort war werde. Daß
mehr leuth im Becher oder Weinglaß
ersauffen / dann im Meer.

iiii.

Zum vierdten thut auch völlerer der
Seelen schaden. Denn es hindert den
Menschen an allem guten / vñnd fördere
in zu allem argen / wider alle Gebot Got-
tes. Als:

Wider

Bancket Herodis.

Wider das erste Gebott / zur schend-
lichen sicherheit vnd verachtung Gottes / I.
Denn man dencke nur / was für Gottes
forcht / glaub oder andacht bey truncke-
nen Leuthen sein möge / da sie sich doch in
eusserlichen geberden / Worten / vnd wer-
cken / ärger denn vnuernünftige wilde
Bestien erzeigen vnd beweisen.

Wider das ander Gebott / zu aller-
ley mißbrauch des göttlichen Namens / II.
mit schelten / fluchen vnd Schweren / wie
vor 60. Jahren zu Breslaw geschehen / *Annō*
daß ein Botte mit Namen / der lange *1570. 7a*
Sachse / auff der Delischen Gasse in ei- *Martijā*
nem Bierhause gesessen / sich beim lie-
ben Scheps dermassen bezecht vnd be-
schlept / daß er ganz unsinniger weise an-
gefangen zu fluchen / schelten vnd schwe-
ren / hat den Teuffel angeruffen / vnd
grosse leichtfertigkeit getrieben / biß auch
der Teuffel zugefahren / ihn zum Fenster
heraus gezogen / die Nacht vber in der
stat ombgeführt / biß sich der arme mensch
ein wenig besonnen / **G**ott vmb gnad
D vnd

Vancket Herodis.

Anno
1556. 1.
Iunij.

vnd hülf angeruffen/ daß in der Teuffel
muß fallen lassen. Wie auch vor 15. jaren
zu Sanct Galla in Schweiz geschehen/
da ein Bläicher Knecht an einem Son-
tag mit seinen gesellen zum Weine gan-
gen / vnd sich dermassen besoffen / daß er
auch ganz rasend geworden/ geflucht/ge-
scholten/ vnd sich zum höchsten verschwo-
ren / wo er mehr auff die Bleiche gehen
würde/ solle im der Teuffel den halß bre-
chen. Da er nu auff den Morgen näch-
tern worden/ Denckt er/ wo er essen wöl-
le/ so werde er auch arbeitē müssen/ macht
sich derhalben auff / vnd gehet nach der
Bleichen zu/ In dem wartet im der Teu-
fel auff den dienst/ ergreiffet / feustet vnd
handelt in so greulich/ daß er an henden
vnd füßen Lam worden / vor der Stadt
im Feld liegen bleiben/ vnd hette hungers
sterben müssen / wo man ihm nicht das
Allmuß gegeben hette. Wie auch noch
gar oftmahls vnd fast teglich erfahren
wird/ was greuwliche flüche / Lasterwort
vnd

Bancket Herodis.

vnd Scheltwort volle zappen in Wein-
häusern vnd Bierzechen / oder sonst
in Bancketen vnd Collationen auß-
zuschütten pflegen / da es freylich kein
wunder were / daß sie der Teuffel zum
Fenster hinaus führete / oder daß sich
der Erdboden auffthete / vnd solche volle
zapffen vnd Gotteslästerer mit gesam-
melten hauffen in abgrund der Hellen
führete. Freylich höret man solche Leuth
wenig beten / vnd da gleich volle Leuth
beten oder dancken / gelanget es doch
GOTT mehr zu spott / dann zu ehren /
vnd dörfen volle zapffen nicht geden-
cken / daß ihr Gebet antresse oder frucht
schaffe / denn es heißt / Deus peccatorem
non exaudit, Iohan. 9.

Widers dritte Gebot / zur verach- III.
tung vnd verseumung Gottes Worts.
Denn die jenen so immer toll vnd
voll sein / verschlafen vnd verseumen
viel Predigt muthwillig / vnd da sie
bißweylen darzu kommen / sindt sie
D ij doch

Bancket Herodis.

Doch faul/schäfferig vnd vngeschickt zu-
zuhören/sitzen etwa im winckel schlaffen
vnd schnarchen/vnd darff niem and sorg
haben / daß sie dem Prediger auß seiner
predigt was nach zusagen wissen.

III.

Widers vierdte Gebot. Zum vnge-
horsam wider Eltern vñ Oberkeit/Deñ
viel junge gesellen/ in voller weise/ aller-
ley vnlust brewen / dardurch nicht al-
lein ihre Eltern oder Fürmünder zum
höchsten betrübet / sondern auch die Re-
genten mit grossen bekümmerniß / mü-
he vnd arbeit beladen werden. Also auch
in gemein vnter den Vnterthanen bey
arm vnd reich/ jung vnd alt/viel gefun-
den werden/die in voller weise/ nicht al-
lein der gebürlichen reuerenz vnd schül-
digen gehorsams gegen der Oberkeit
gar vergessen / sondern auch ganz ver-
ächtlich / scherzlich / vñnd spöttisch von
ihnen reden / auch was sie nur können
zu wider / vñnd zuuerdriess thun / all ihr
thun vbel deuten/vñnd noch wol darzu
alle plage auffn halß wündschē. Des man
mehr

Zancket Herodis.

mehr Exempel dann genug hat.

Widers fünfte. Zu Zorn / Hadder / V.
Mord vnd Blutvergiessen. Wie dann
offtmals die beste freunde beim trunck an
einander wachsen / darzu vmb sonst vnd
nichts / de lana Caprina, (wie man zusa-
gen pflegt) sich hadern / zancken / räuffen /
schlagen / hawen / stechen / morden / tödtē.
Vnd gemeiniglich die meisten hadde-
sachen / so für Gericht komen / auß trun-
ckenheit ihren vrsprung haben. Dauon
auch Salomon Prou. 23. sagt / daß eben
beim Gesäuffe / Hadder / Zanck / Klage /
vnd Wunden / ohne vrsache / gemeine
sein. Alexander omnium victor vino
victus, der thewre heldt Alexander Ma-
gnus der viel Land vnd Leuthe bezwang /
ward vom Wein überwunden / also daß
er neben andern Lastern so er begieng /
auch seinen besten freund Cletum beim
Wein erstach.

Widers sechste Gebott. Zu allerley VI.
vnzucht vñ vnordenlichen vermischung
wie Ouidius sagt: Vina parant animos
D iij veneri,

Bancket Herodis.

veneri. Ach man dencke nur an Patriarchen Loth / welcher auch vom Trunck überwunden / in schreckliche Sünden geführt ward. Was solt denn geschehen mit leuthen / die sonsten nicht vil tugend noch erbarkeit haben? Man erfahrets leider täglich / was volle Leuth für vnlust mit geberden / Worten vnd wercken außzuschütten / vnd recht im Sewtroge sich zu welschen pflegen. Davon wir im vollgenden Stück sonderlich bericht haben werden.

VII.

Widersiehende Gebott / mit vntrew vnd vngerechtigkeit: Denn was trunckene leuth vnmüglich vnd oberflüssig durch den Hals jagen / das wirdt oftmahls ihrem Weib vnd Kindern / oder sonsten nothdürfftigen armen leuthen / entwandt / entfrembdet / geraubt vnd gestolt / Mancher voller zapff stilet / vnd treget heimlich auß / verpfendt / versetzt / vnd verkauffet seinem armen Weibe / iren Väterlichen Anfall / zinnen / gefeß / kleider vñ Bettgewandt / versäufts vnd bringets schenda

Bancket Herodis.

schendlich hin / Mancher trunckenbold
darff auch wol sonsten Rauben / Stelen /
vnd heimlich mit nemmen was er be-
streicht vnd damit den Galgen getrost
verdienen.

Widersachte Gebott / mit Liegen
vnd verleumbden. Denn manche Leuth
wenn sie so voll sein / daß sie kein ganz
wort mehr machen können / dennoch zu
liegen / vnd jederman auffschendlichste
außzurichten vnd zu verleumbden ganz
geschwind vnd fertig sein.

VII.

Widers Neunde vnd Zehende
Gebott / mit böser Lust vnd Begierde :
Denn weil sich trunckene Leuthe / auff
erzelete weise / mit mancherley groben
sünden vnd Lastern im werck erzeygen
vnd beweisen / so kan freylich jederman
wohl dencken / daß böse luste vnd Be-
gierde zuvor da sein. Daß also zuuer-
nemen / wie die Trunckeneheit billich
genannt wirdt Mater omnium vitio-
rum, Oder wie jener sagt: Ebrietas est

IX.X.

D iij

Africa

Bancket Herodis.

Africa quædam infœlix, quæ semper noui aliquid apportat.

Welche aber durch völlerey sich also an Gottes forcht / an tugend vnd erbarkeit verhindern / vnd dagegen zu allerley Sünden vnd schanden vrsach vnd raum nemen / ire Seel im schlam vnd kot der Sünden verstecken / vnd ohne busse dahin sterben / die müssen auch mit Leib vnd Seel ewig zum Teuffel fahren. Denn es heißt / Die Trunckenbold sollen Gottes reich nicht besitzen.

Darumb sollen wir in guter acht haben / die trewe vermanung des H. E. X. i. Christi / Luce 21. Hütet euch / daß euwere herzen nicht beschweret werden mit essen vnd sauffen. Item die warnung S. Petri: Seit nüchtern vnd wachet / denn ewer widersacher der Sathan / geht umb euch her wie ein brüllender Löw / vnd suchet wen er verschlinge.

Sobrius & vigilans Domino tua pectora crede.

Nam Leo securus circuit acer ones.

Bis

Bancket Herodis.

Biß nüchtern/halt dich wol in acht/
Der Sathan auff dein schaden wacht.

III.

DAs dritte Laster/welchs der Sa-
than am Hof des Königs He-
rodus gekocht vnd im Bancket
vff gewermet hat /ist gewesen grausame
Unzucht / auch widers sechste Gebott/
In welchem nit allein die vnordenliche
vermischung / oder beywohnung / son-
dern auch allerley vnzüchtige worte / ge-
berde vnd gedanken verbotten sein. Di-
sem handelt Herodes stracks zuwider/
das er nicht allein sein Ehelich Weib/
des Königs Arete Tochter / wider Geist-
lich vnd Weltlich recht von sich verstof-
fen / vnd dagegen seins Bruders Phi-
lippi Weib / weil der Bruder noch lebt/
zu sich genommen / vñ mit jr in blutschan-
den gelebt / sondern auch dem Töchter-
lein so ein Leichtfertigen Tanz gestattet/
die sich allda fürm Tische öffentlich für

D v allen

Bancket Herodis.

allen Gesten / auff mancherley art vnnnd
weise wendet vnnnd drehet / rencket vnnnd
schwenncket / vnnnd in allen geberden / wor=
ten vnnnd wercken dermassen erzeiget / als
keiner züchtigen oder ehrlichen Jung=
frawen gebüret. Darüber Vatter vnnnd
Mutter nicht allein nie sawr gesehn / son=
dern ein sonderliche freud vnnnd wolgefal=
len daran gehabet. Wie dann leider sol=
che schreckliche sünden hin vnnnd wider in
der Welt in hohem schwange gehen vnnnd
zugleich bey hohen vnnnd nidern stenden
sehr gemein sein. Darumb auch kein
wunder das vnser HERR Gott mit ern=
ster Straffe drein schleget. Will doch
jekund gar bald ein jeder Bawr nach sei=
nem gefallen freyen / vnnnd gar keines na=
hen verbotten Grads der Blutsfreund=
schafft verschonen / vngeacht was Gott
vnnnd der Pfaffe darzu sagen / Drummb sie
auch wenig Glücks oder Segens darbey
zugewarten haben. Denn gemeinig=
lich die inn Bludtschanden Leben / mit
Weib

Bancket Herodis.

Weib vnd Kindern schreckliche vnfall
erleben müssen. Wie dem Oedipo ge= *Oedipus*
schah/welcher mit seiner Mutter in blut=
schanden kinder zeugete/darüber in jam=
mer vnd not kam/ vnd zu lest von der er=
den verschlungen ward. Die kinder da sie
erwachsen / erwürgeten einander selbs/
vber welchem erbermiglichẽ Spectackel
die Mutter sich selbs erstach / vnd also
tod vnter die Kinder dahin fiel. Der Kö=
nig Cambyles, der sein eygene Schwe=
ster zum Weibe hatte/die er auch schend=
lich erwürgen ließ/ fiel vom Roß in sein
eigen Schwerdt vnd starb elendiglich. *Cäbyles*
Caligula der Römische Keyser / der mit *Caligula*
drey Schwestern in Blutschanden leb=
te/ward im 28. jar seines alters/im 4. Jar
seins Regiments vonn seinem eygenen
Trabanten / mit dreissig wunden getöd=
tet. So erfahret mans auch wol zu vnse=
ren zeiten / wie die jenigen so in verbot=
tene Grad freyen / sich wenig Glücks zu
rühmen haben / Denn gar gemein
ge=

Bancket Herodis.

geschicht / daß Mutter vñnd Kind in der geburt jämmerlich vntergehen / oder gebrechliche Krüpel vñnd Monstra geboren werden / oder sonst viel jammer vñnd not / dieweil sie leben / an einander sehen müssen.

Num. 25 Also pflieget auch G. D. it wider den Ehebruch vñnd Hurerey / vñnd wider allerley vnzucht seinen grimmigen vñnd gerechten zorn zubeweisen. Vmb vnzucht willen / starben bey den kindern Israhel auff einen tag / an der plage / bey vier vñnd zwanzig tausent Menschen. Vmb **Indo. 20.** der schendlichen that der Gibeoniter an des Leuiten Weibe / ward fast der ganze Stamm Beniamin außgetilget. Wie auch bey den Heyden die vnzucht gestrafft worden / bezeuget sonderlich die gedencckwürdige Historia von den Lacedemoniern / welche vmb begangener vnzucht wegen an des Scedasi Töchtern / im streit wider die Thebaner ein schreckliche Niederlag erlitten. Damit sich also zugetragen / wie folget.

Zu

Banket Herodis.

Zu Leuctra in Beotia wonete ein ehrlicher Mann / mit namen Scedafus, ein gastfreyer gütiger Mensch / der hatte zwei Töchter / ehrlich vnd wol erzogen / auff ein zeit keren zu ihm ein zween junge gesellen / beyde Lacedemonier / von Sparta / gegen welchen / als frembden Gesten / die Jungfrauen mit aller ehrerbietung / sich freundlich vnd dienstlich erzeigten. Die jungen Gesellen aber solches zu vnderordenlicher liebe sich bewegen liessen / aber in gegenwertigkeit des Vatters irem bösen willen nicht nachleben kondten / sondern einer andern zeit warnamen / als der Vater nicht einheimisch war / dahin kamen / die armen Jungfrauen / stracks wider ihren willen / der ehren beraubten / darzu auch elendiglich erwürgeten / vnd in einen Brunnen wurffen / Wie nu der arme Vater heim kompt / das Haus wüste find / schepffet er bald bekümmmerliche Gedancken / wie das zugehen müsse? Fraget bey den Nachbarn umbher / nach seinen Töchtern / darauff ihm

Vancket Herodis.

Im vermeldet wirdt / daß die beyden jün= gen gesellen / so vormals bey im geherber= get / nu in seinem abwesen widerumb in seinem hause weren gesehen worden / v= ber welchen bericht er gar sehr erschro= cken / vnd nicht anders dencken können / dann es würden im sein Töchter entfüh= ret sein. In des / wie er sein Töchter in sei= nem hause in allen winckeln suchet / leuf= fet sein kleines Hündlin für im hin zum brunnen / offte hin vnd wider mit sonder= lichen winseln / vnd seltsamen geberden / gleich als solt es sagen / Hie wirstu deine Töchter im Brunnen finden. Welcher anleitung er folget / auch die beyde Töch= ter bald darinn gefunden / vnd mit gros= sem herkleid heraus gezogen: Der betrü= bete Vatter kompt gen Sparta / klage vber die bösen buben / die an seinen Töch= tern so ein schendliche that begangen / vnd hoffet sie solten gebürlicher weise gestraf= fet werden: Aber was geschichte? Die Re= genten vnd Richter zu Sparta geben im ein Lachen daran / vnd lassen ihn gehen.

Das

Bancket Herodis.

Dadurch ist der arme Scedasius noch
mehr betrübt vnd beweget worden/ daß
er auff der Gassen niderkniend zu Gott
geruffen / vnd solche that zu rechen vnd
straffen gebeten hat / drauff sich ein hauf=
fen böser bubē versamlet / die in mit Roth
zur Stadt heraus geworffen haben. Nit
lang darnach hat sichs (auß verhengnis
des / der da recht richtet) zugetragen / daß
die Lacedemonier von den Thebanern
seind vberzogen vnd bekriegt wordē / vnd
gleich wie es in der Schlacht an ein tref=
fen hat gehen sollen / ist der Thebaner
Heupmann mit Namen Epaminundas
herfür getreten / vnd hat mit lauter stim=
me gesprochen: Scedase / heute / wils Gott
wil ich an den Lacedemoniern rechen / die
schendliche that / die sie an dir vnd deinen
kindern begangen haben. Wie auch ge=
schehen / daß in derselben Schlacht nicht
weit von dem ort da die jungfrawē begra
ben gelegen / die Lacedemonier von den
Thebanern seind vberwundē / geschlagen
worden

Vor Ehr
sti Sebure
382.5. Jug
nijr

Bancket Herodis.

worden. Da seind nicht allein die Thäter gemelter vnzucht / sondern auch die Regenten / als die im Strassampft seumig / nachlessig vnnnd vnachtsam waren / sampt dem gemeinen hauffen etlich tausent Mann erschlagen worden. Die mit einander haben büssen vnnnd bezahlen müssen.

Anno
1542. 10.
Lunij.

Dem Türckischen Keyser Solimanno ist auch auff ein zeit sein Brautbett schrecklich zerstöret worden. Da der Donner in sein Keyserlich Gemach geschlagē / seine Beyschläfferin die schöne Labella Brandina genannt / sampt iren Mägden / vnd alle so im selben Gemach gewesen / erschlagen / zerknirrt vnd zu nicht gemacht.

Petrus Aloisius / desß Papst Pauli Tertij Sohn / Herzog zu Placenz / welcher neben grimmiger Tyranney auch schreckliche vnzucht geübet / vnnnd garein vnflätiger vnuerschempter Mensch gewesen / ist vnnn etlichen zusammen geschwornen Edelleuthen zu Placenz im Schloß

Vancket Herodis.

Schloß/erstochen/ober die Mawren ge-
henckt/vnd nachmals in Graben herun-
der geworffen worden. Drauff das Volck
auß der Stadt zugelauffen/ vnd den tod-
ten Körper mit Dolchen gestochen vnd
mit füßen getretten haben.

Ganz wunderbarlich wird offtmals
die vnzucht geoffenbaret vnd zur straff
gebracht. Wie ein mal mit einer Fürstin
geschehen / welche mit einem frembden
bulete / auff ein zeit zween Brieff / einen
ihrem Herrn / den andern ihrem Buler
zuschriebe / vnd mit den Überschriften
sich irrete / also daß des Herrn Brieff dem
buler / vnd der ander der dem Buler sol-
te / irem Herrn zukam / drauß der Herzog
seins Gemahls vntrew gründlich ver-
nommen / kompt baldt zu Haus / ersticht
sein vntrew gemahl / zeucht darauff gehn
Rom / wird absoluiert.

In betrachtung solcher schrecklichen
Exempel / solten billich alle menschen für
der schendlichen vnzucht ein herzlich ab-
schew haben.

E

Wel-

Sancket Herodis.

Welche aber alle straff vnd war-
nung verachten / vnd ganz sicher sich
in vnzucht welken / auch noch wol rhü-
men / vnd one busse drüber dahin sterbē /
die sollen auch ewig zum Teuffel fahren.
Denn es ist nicht vergebens gesaget / 12
Corinth. 6. Die Ehebrecher sollen Got-
tes Reich nicht ererben. Item / Ebreer.
13. Die Hurer vnd Ehebrecher wirdt
Gott richten. Wie solches auch durch
das gedicht vom Ixione eigentlich abge-
mahlet wirt / welcher sich zwar felschlich
rhümete als hette er mit der Königin
der Götter gebuhlet / darumb ihn Jupi-
ter mit Blitz vnd Donner in abgrundt
der Hellen hinunder geschlagen / da er
auff ein radt gebunden / statts herum ge-
trieben vnd gedrehet ward / also dass er
nimmer fein ruhe haben kan. Wie Oui-
dius sagt: Voluitur Ixion, se sequiturq;
fugitq;. Also sollen auch alle vnfleter /
die ohne Scheuwe inn vnzucht leben /
sich noch wol rhümen / vnd ganz si-
cher ohne busz dahin sterben / im abgrund
der

Bancket Herodis.

der Hellen in vnaussprechlicher Mar-
ter vnnnd pein/vonn allen Teuffeln ewig
herumb getrieben werden.

Die vnzüchtigen vnnnd leichtferti-
gen Tänze sein auch ein Greuwel für
Gott / als da man wider alle zucht vnnnd
Erbarkeit/ sich schwencket vnnnd drehet/
daß die Kleider vbers Heupt weg flie-
gen/oder am Leuchter behangen bleiben/
wie denn sonderlich inn den heimlichen
winckeln vnnnd nachttänzen nicht selzam
ist/ da offtmals Eltern vnnnd Regenten
mit lachen zusehen können / ja wol ihre
Kinder selbs von jugendt auff zu leicht-
fertigen Tänzen gewehnen / vnd ire ge-
schickligkeit darinne rhümen/da kan vnd
wil vnser Herr Gott nit allwege zusehē/
sondern seinen Zorn auch darwider ge-
hen lassen. Wie sich dann offtmals bey
vnzüchtigen vnnnd leichtfertigen Tän-
zen / schreckliche fälle zugetragen haben.

E ij Als

Bancket Herodis.

Anno 1277. Als zu Brecht in Schweiz haben etliche leuth vber die masse einen leichtfertigen tanz gehalten / vnd viel vppigkeit getrieben / bis letztlich die Brücke eingangen vnd zu gleich von den tanzern vnd zusehern bey 200. Menschen hinunder gefallen vnd ertruncken sein.

1352. Johann vonn Melitz Bischoff zu Naumburg vñ Zeitz hat am tag Ioannis Euangelistæ etliche Fräwen vnd Jungfrauen vom Adel zu sich geladen / mit denselbigen tanz gehalten / vnd etwan mehr leichtfertigkeit geübt / dann einer solchen personen wol anstehet / ist derhalben am rehen zwischen zweien Weibern mit denen er zu gleich getanzet / vmbgefallen vnd plötzlich gestorben.

1376. Ludwig ein geborner Landgraff zu Düringen / Erzbischoff zu Magdenburg / da er auch zimlichs Alters gewesen / hat er doch tanzen vnd andere leichtfertigkeit nicht lassen können. Du hette er auff ein zeit etliche Grassen vnd Junkern vom Adel / vor Fastnacht zu sich
gen

Bancket Herodis.

gen Kalbe geladen/ mit ihren Weibern
vnd Töchtern/ ließ inen gütlich thun/vñ
macht sich frölich sampt ihnen/ mit tan-
zen vnd springen / vñnd war er mit dre-
hen vnd springen nicht der letzte. Mon-
tags zu abend/ da sie alle vppigkeit trie-
ben / hetten die Diener von den Fackeln
oder Windliechtern/ etwas feuwers auff
der Treppen abgestossen/ oder fallen las-
sen/welchs hinunder in ledige dürre Fass
kommen / Da das etliche inne worden/
vnd dauon geredt ward / leufft jederman
vom Tanzhaus der Thür zu / mit gros-
sem gschrey vñ gedrenge/der Erzbischoff
selbs eilet auch vom Tanz. Aber wie sie
die Treppe beschweret hatten/bricht die-
selbige/also daß sie alle mit einander da-
mit hinab fallen musten/ vñ ist doch nie-
mand/dann der Erzbischoff / vñnd sonst
noch drey / dauon beschedigt worden/
Der Erzbischoff war auff den kopff ge-
stürzt vnd so vbel gefallen/das er des an-
dern tags dauon starb.

Zu Hartmansdorff bey Leutmeritz

E ij wurden

Bancket Herodis.

wurden durch ein groß Gewässer / das sich plöcklich wie ein Sündfluth ergossen / vil leuth in einem tank ergriffen / die tänker sampt den Spielleuthen mit vielen zusehern weggeführt vnd jemmerlich ertrencket. Am tage des Apostels S. Jacobi. Anno 1310.

Darumb billich die Regenten sampt den Eltern / den vnehrlichen Leichtfertigen Tänzern nach höchstem vermögen steuren vnd weren sollen / vnd bey zeit ire finder / gesellen / vnd jungfrawen / zur arbeit gewenen / dadurch vielen leichtfertigen wesen abgeholfen / vnd gesteuert wirdt. Wie Syrach vermanet vnd spricht: Hastu Kinder so zeuch sie vnd beuge iren Hals von jugendt auff / Hastu Töchter / so beware ihren leib / vnd verwehre sie nicht. Wie auch diese nachfolgende Vers treuwlich lehren.

*Filia si quando lasciuiat, excute mentem,
Fac opus assiduo quo teneatur agat.*

Das ist: Siehestu daß dein töchterlin
begin-

Bancket Herodis.

beginnet wild vnd frech zu werden / so
straffe vnd wehre bey zeit / Nimb jr alles
das / damit sie entweder jr selbs / oder an-
dern zuviel gefallen wil / gieb ihr Nadel
vnd Faden / Rocken vnd Spindel / oder
andere gebürliche arbeit zu handen / Laß
sie nicht eigens gefallens vberall vmb-
lauffen / sondern halt sie einheimisch im
zaum / vnder gebürlicher Zucht / vnd
straffe. Es gerahete darnach wie Gott
wil / so kanstu ein gut gewissen haben / da-
gegen die jenigen die ihren kindern allen
mutwillen gestatten / gemeiniglich nicht
allein schand vnd schaden / sondern auch
mit bösem gewissen das herzenleid erle-
ben müssen.

Nach dem auch von vnzüchtigen
Leuthen / viel vnstetiger vnd vnuer-
schempfer wort zu fallen pflegen / Son-
derlich inn Bancketen vnd bey leicht-
fertigen Tänzen / wie dann glaublich /
daß solchs im Bancket Herodis nicht ge-
mangelt hat / vnd leyder noch heut

Bancket Herodis.

in der Welt sehr gemein ist/ das schandbare wort vnd Narrenhedung/ in Bancketen die schmachhaftigsten Gerichte sein/ durch welche doch viel mensche jung vnd alt / schendtlich vergiffet / geärgert vnd zu mancherley / vntugent gereizet vnd angeführet/ ja wol an Leib vnd Seel verderbet werden/ So wil hie von nöten sein bey diesem Bancket Herodis auch bericht zu melden / Wie schwerlich sich die Schandmeuler mit vnzüchtigen Worten an GDT versündigen/ Vnd was schreckliche Straffe sie auff sich laden.

I. **Wie schwerlich die Schandmeuler sündigen.** Erstlich ist von nöten zu wissen / das alle Schandmeuler mit vnuerschempten Nerrischen vnd vnzüchtigen Worten/ sampt denen so gefallen dran haben gar schwerlich wider GDT vnd sein Wort handelen. Denn solche ist/ wie obgemeldet/ im sechsten Gebott verbotten. Vnd der Heilige Apostel Paulus spricht/ Ephes. 5. Schandbare Wort vnd Narrenhedung oder Scherz / welche euch nicht

Banket Herodis.

nicht gebären / lasset von euch nicht ge-
sagt werden. Darauß zuuernemen / daß
die schandmeuler / sampt denen die ihm
gerne zuhören / keine Christen sein. Denn
wenn sie Christen weren / so würden sie
nicht allein für jr person allerley vnzüch-
tige vnflätige reden vermeiden / sondern
auch an irem nechsten straffen vnd weh-
ren. Darnach wo sie es nicht wehren
köndten / würden sie doch sonst mit
worten sich dermassen erzeigen / als die
an vnuerschempten Worten gar keinen
gefallen hetten. Vnd ober das wür-
den sie auch zugleich mit den Schandt-
meulern vnd mit den andern gefallenen
leuthen / von denen schendtlich vnd vbel
geredt wird / ein herzlichs mitleiden ha-
ben / vnd herzlich zu **GOTT** seuffzen /
daß sie Gott allesampt erleuchten vnd
bekerren wölle. Aber sie thun aller dinge
das Widerspiel / also daß sie gleich ihrer
vnd ander Leuth schand vnd vnart ver-
lachen vnd spotten. Darumb sie Luthe-
rus seliger gedechtnuß / billich einem

E v **wan-**

Banket Herodis.

wahnsinnigen menschen vergleicht/ der
seines eigenen vnglücks lachet. Es ver-
gleicht sich auch dem besessenen Manne/
Marc. 5. Luc. 8. Welcher mit einer gan-
zen Legion Teufel besessen gewesen/ Na-
cket vnnnd bloß vmbher gelauffen / auff
den bergen in den Todtengräbern sein
wohnung gehabt / alle Fessel vnd Ketten
zurissen/vnnnd sich selbs mit Steinen ge-
schlagen. In welchem alle Schandmen-
ner gar eigentlich abgemahlet werden.
Denn wer wolt nicht glauben / daß sol-
che Leuth vonn viel Teuffeln getrieben
werden. So lauffen sie auch nackend
vnnnd bloß vmbher / das ist / sie entblößen
sich durch ire schandwort/das man ihnen
gar auff's Herz hinein sihet/ vnnnd offen-
bar wirdt daß nichts guts an ihnen ist.
Matt. 12. Denn wes das herz voll ist/ deß geht der
mund vber. Daher auch S. Ambrosius
spricht: Non credibile potest videri
bene viuere eum, qui malè loquatur.
Item sie wohnen inn den Gräbern der
Sünden/ vnd wie die leichstein auff den
Gräbern

Vancket Herodis.

Grebern gedencckzeichen sein der begra-
benen/ also sind die schandmeuler rechte
Gedencckzeichen/ beydes irer vnd vieler
andern Leute vntugenden. Item wie die
besessenen alle Ketten vnd Bande zer-
reissen / keines alters noch standes scho-
nen noch fürchten/ vnd zugleich sich vnd
ander Leuth verletzen / darumb sie billich
jederman scheuht vnd fleucht. Also seind
auch gemeiniglich die schandmeuler wil-
de freche Leuth/ die niemand zemen noch
bendigen kan/ sondern alle straff verach-
ten/ weder irer selbs noch keines mensche
in achtung haben/keins geschlechtes/ noch
alters/verschone/sondern mit iren schand-
worten auch viel junge zarte herzen der
massen beschmeissen vnd verletzen/das
sie es nimmermehr vberwinden können.
Den wie kan einem jungen knaben oder
Mägdlin die schedliche gedancken auß
vnfletigen worten geschöpfft / wider auß
dem herzen gerissen werden? Ja da
ligt solcher gedanke wie ein Füncklin
sewrs glimmet vnd. huzet / bis endtlich
in

Vancket Herodis.

in manchem ein schedlich vnnnd vnleschlich
licher feuer angehet. Drumb auch Hora-
tius nicht vnbillich gesagt hat.

*Quo semel est imbuta recens, seruabit odo-
rem Testa diu.*

Was am ersten in einen neuwen
Topff oder Irudin gefest gethan wird / da
von behelt es den geruch vnnnd schmack /
weil es ein scherben oder stück vorhanden
ist. Also gehet es auch mit der Jugend /
was die am ersten fasset / das behelt sie fest /
es sey gut oder böß. Vnnnd ist diß zumahl
ein fleglicher jammer daß viel menschen
doch solchen empfangenen schaden oder
giff nicht allein mit iren zeitlichen Güt-
tern / sondern zu gleich mit Leib vnnnd
Seel verderben. Daher auch der from-
me König Ludouicus inn Frankreich
von seiner Mutter das Sprichwort ge-
lernet / vnnnd offtmals gesagt hat. Er wölle
lieber sehen daß seine Kinder leiblich ge-
tödtet würden / denn daß sie tödlich sün-
digen solten. Daben zu vernemen / daß
die Schandmeuler / der armen Jugend
viel

Vancket Herodis.

viel grössern schaden thun / denn Herodes / welcher viel hundert Vnschuldiger Kindlein gar jemmerlich erwürgen vnd vmbbringen ließ / oder als zu vnsern zeiten der Türcke / Tattern / vnd Moscowiter / die in eröberung vieler Landt vnd Städte der armen Christen Kinder / grawsamlich würgen vnd schlachten / an die Zaunpflocke stecken vnd auffhencken / vnd auff andere tyrannische weise / ohne alle erbarmung mit ihnen handeln / aber dennoch ihrer Seelen heil vnd seligkeits damit nicht schaden können. Darumb auch solche Schandmeuler / weil sie so vnbedingt / frech vnd schedlich sind / billich von allen verstendigen / vnd Ehrliebenden menschen / zum höchsten geflohen vnd gemieten werden.

Was nun solche schandmeuler für schwere straffe auff sich laden / das zeigt der Mund der Wahrheit Christus Jesus Gottes Sohn selber / zwar mit furzen / aber sehr ernstern vnd wichtigen worten Matth. 18. da er also spricht: Wer dieser gering-

II.

Von der schweren straff des schandts meuler.

Banket Herodis.

geringsten einen ergert/die an mich gleyben/dem wer besser das ein Mühelstein an seinen Hals gehencket würde/vnd erseufft würde im Meer/ da es am tieffsten ist. Dieser Mühelstein dauon Christus sagt/heist im Lateinischē Mola asinaria, das ist der Legerstein/der sonderlich groß dick vnd schwere ist/ dadurch schwere begangene sünde vnd schreckliche straffe derselben bedeutet wirdt. Wie denn sonderlich bey den Palistinern grobe sünden/durch solch mittel gemeiniglich sind gestraffet worden. Darumb weil Christus sagt / das es denen / die jemandt ergern / besser oder treglicher were / das ihnen ein Mühelstein an hals gehencket/ vnd im tieffsten Meer erseufft würden/ So wil Christus damit ahnzeigen/ das noch viel schwerer straffe vber sie gehen werde. Nemlich das sie durch sonderliche plagen sollen vmbkommen / vnd wo sie one busse sterben/auch ewig zum teufel fahren.

Dar

Banket Herodis.

Darumb sollen wir S. Pauli vermanung groß achten: Schandbare Wort vnd Narrentheiding fliehen vnd meiden / vnd in summa ein keusch züchtig vnd stilles ehrlichs leben führen / wie diese nachfolgende vers vnd reimen lehren.

*Otia si tollas, periere cupidinis arcus,
Contemptaq; iacent & sine luce faces.*

Für böse lust der Büberey /
Find man kein besser Argeney /
Dann Abstinenz in Speiß vnd tranck /
Vnd gieb dich nicht in müßiggang.

IIII.

Im vierdten haben wir hier vrsach zu sagen / von Verschwendung der Güter / welchs grosse sünd ist wider das siebende Gebott / in welche vnser Herr Gott mit ernste befehl geordnet hat / nit allein wie ein jeder de andern das seine lassen / vnd durch billiche mittel nahrung suchen / sondern auch wie er Gottes gaben

Bancket Herodis:

- gaben recht außspenden vnnnd wol anwenden soll. Darinne sonderlich diese
- I. Drey Regeln wol zu mercken sein. 1. Aliena ne cuncupiscas. Laß dich frembde gut nicht gelüsten / oder wie Salomon sagt: Trinck wasser auß deinem Brunn/
 - II. brauch deines Eigenthums. 2. Ja wo nemen was eigens? Da heißt: Ora & labora. Bete vnd arbeite/warte deins beruffs in Gottes forcht / Gott wird dich nicht lassen hungers sterben. 3. Darnach wenn
 - III. GOTT seine milde hand auffthut vnd segnet / so solt auch heißen/ wie Periander sagt:

Largire cum utilitate. Das ist/
Wann du wilt sein ein frommer Christ/
So gib wo not zu geben ist.

Wider solche Regeln handelt Herodes gar grob vnnnd merckliche / denn mit was vnordentlicher begierdte / vnnnd wie mit schlimmen griffen vnnnd Practicken/ er groß Reichthumb zusamen gebracht/ welches er auch von seinem Vatter gelernt/ ist in seiner Historien/ wie es Josephus

Bancket Herodis.

sephus vnd andere beschrieben/ nach der
lenge zusehen. Hie aber im Bancket er=
scheinet / daß er auch ein rechter durch=
laß vñ verschwender ist/der mit außspen=
dung seiner Hab vñd Gütern / keine
Maß noch ordnung helt / als da er nicht
allein im Bancket alles oberflüssig auß=
tragen lesset / sondern auch dem Tanz=
meidlin wider alle gebür / was sie bitten
werde / biß auff die helffte seines König=
reichs/zuschrecken vnd zu geben verheiß=
set/vñd dagegen/den armen Hofpredi=
ger / sampt andern ehrlichen nottürfti=
gen Leuthen / nicht mit einer Parteecken
bedencket. Das heißt/Huren vñd Bu=
den gibt man Geschenck vñd gaben/
da man ehrlichen fromen Leuthen nicht
gern ein guts wort gibt. Der arme La=
zarus muste für der Thüren liegen vñd
hunger leiden. Luc. 16. Wiewol es gewiß
dafür zu halten / daß es dem König mit
verschreckung auff die helffte seines Kö=
nigreichs kein ernst / sondern ein heim=
liche Practicka/ oder angestelter Karn/
stracks

S

stracks

Bancket Herodis.

stracks auff Johannis Haupt gericht ge-
wesen / So werden vns dannoch auch
die grossen prasser vnd verschwender / in
gemelter verscheneckung abgemahlet /
sintemal auch Herodes mit dem Haupt
Johannis viel mehr dann sein ganz
Königreich verschenecket vnd hinbracht
hat.

Warlich es ist noch heut in der Welt
gemein / nicht allein bey grossen potentas-
ten / sondern auch bey gemeinen leuthen
auffm Lande vnd in Siedten / das zu-
gleich mit erwerbung vnd außspendung
der güter / gar vnordentlich vnd vnmes-
sig gehandelt wirdt. Gelt vnd Gut zu-
samlen / brauchet die Welt Greiffen
Klawen oder des Teuffels lange finger /
damit sie auß vnersettiger begierdt / was
ihn für kompt zu sich reissen / wenns aber
zum außgeben kompt / da seind ihnen die
Hende zum pracht vnd hoffart gar Lam
vnd Löchericht / also das sie nichts an-
halten können / aber zur ehr vnd not-
turff /

Bancket Herodis.

türfft/sonderlich gegen armen Kirchen/
Schulen/ Hospitalen / vnd andern not=
türfftigen/sind ihnen die Hand gar ver=
klummet/vnnd erstarret / mit terpentini/
vnd pech / ja mit eitel Schwefel vnnd
Hellighen feuwer / dermassen verpicht/
verfötet vnd verlötet/das gar nichts her=
aus wil / wie in nachfolgenden Exem=
peln zu vernemen.

Helioabalus hat auff einemalzeit
Sechshundert Straussenköpff aufftra=
gen lassen. Vitellius hat in einem Con=
uiuio zwey tausent herrliche Fische/vnd
7000.köstliche vögel zurichten vndauff=
tragen lassen. Ja man find iekundman=
chen schlechten Junckern oder Bürger/
der so obermessige vnnd prechtige Ban=
cket anrichtet / welches vor zeiten auch
auff Fürsten vnnd Herren zuuuel gewe=
sen were. Ja manche wöllens auch mit
vnnötigen Schencken vnnd Gaben/
grossen Herren nachthun/ vnnd gerhü=
met werden / vngeacht / ob sie hernach
S ij selbs

Bancket Herodis.

selbs mangelen vnnnd darben müssen.

Warlich es ist kein wunder / daß vnser Herr Gott solche Leuth mit grosem armut vnnnd elendt straffet / die sich zuvor im Wein gebadet / hernach des lieben Wassers kaum satt zu trincken haben / oder die zuvor in Sammet vñ Seiden gepranget haben / hernach in zurisfenen vnd beschiznen hadern daher treten müssen / Item die zuvor ohne not jederman gnug schencken vnd geben wollten / hernach selbs mangeln vnnnd darben müssen / vnnnd von menniglichen verlassen werden. Denn es ist nicht vergebens gesagt / Prou. 13. Reichthumb wird wenig / wo mans vergeudt. Item Syra. 20. Wer sehr pranget / der verdirbet drüber. Das müssen manche vnerfahrne Ehelenthy mit schaden erfahren / welche gern viel geste haben / vnd wenig bezahlet nemen / wollen gesehen vnd gerhümet werden / daß der Mann auch etwas hab vnd vermöge / daß das Weib wol kochen könne / Item daß man sehe wie sie so köstliche

Bancket Herodis.

liche fleinodien / Kleider vnnnd Bettge-
wandt vnnnd viel herrlichs dings haben.
Da kans frehlich nit lang bestand haben/
sondern gehet alles geschwind dahin/al-
so das Hund vnd Katzen das beste viehe
im hause bleiben / wo ferr sie noch Meel
behalten. Ja es gehet wol manchen wie
die nachfolgende reimten lauten:

Wer mehr wil verzehren/
Dann sein Pflug kan ereren/
Der muß zu legt verderben/
Vnd villeicht am Galgen sterben.

Darumb heizts: Maul richte dich
nach der Taschen. Item halt maß in al-
len dingen. Es darff sich niemandt dar-
auff verlassen / das er was grosses ver-
möge / Denn man kan auch ein tieffen
Brunn außschöpfen / durch vnordent-
liche Haushaltung / groß Reichthumb
zu Wasser machen. Wie von Juncker
Hansen zu Lübeck gesagt wirdt / der sich
balde in der jugend mercken ließ / das er
obel Haushalten würde / darumb sein
Vater im zu rachte / gedachte / vnd bey sei-
nem leben seine Güter auff gewisse zin / e

Bancket Herodis.

auffthet / vnd dermassen verordnete / daß
sein Sohn nach seinem todt kein bahr gelt
vnterhanden / sondern alles was er be-
dorffte zu seiner gansen Haushaltung /
von kaufleuten / Kremern vnd handt-
wercks leuthen an zinsen zu fordern hat-
te. Aber da der Vater starb / ließ sich Jun-
cker Hans düncken / es were im ein gros-
se schande / daß er kein bar gelt vnter hen-
den haben / sondern andern Leuthen in
die hend sehen solte. Darumb er mit den
schuldenern eins wardt / daß sie ihm den
halben theil der Hauptsumm bar zahle-
ten / der ander theil solt in geschenck sein.
Welches die schuldner gar wol zu frie-
den waren. Juncker Hans war froh / daß
er bar gelt bekam / hielt aber so Haus / mit
Bancketiren vnd wegschencken / daß
er inn furser zeit zum Bettler worden /
vnd von frembden Leuthen das Allmuß
bitten muste / mit solchen vnd derglei-
chen Worten : Ach helfft einem armen
verdorbenen Junckern / der sich inn der
Haushaltung verrechnet / vnd nicht ge-
dacht

Bancket Herodis.

dacht hat/ daß ihm mangeln solte. Des
nachts hat er gemeiniglich sein läger ge-
habt bey den verschlossenen oder umb-
schrenkten Wasserbrunnen / da sonst
die Anthonius Ferkeln / der armen Leu-
the Schweine ire Tröge vnd läger hettē/
Die er mit solchen Worten aufgetrie-
ben: Juncker Anthonius / laß Juncker
Hansen herein gehn. Das heißt/ nach
vnmäß kompt maß / drum mag ein je-
der lernen an sich halten.

Es wird aber hiemit nicht gebilli-
chet/ daß einer ein farger filz sein solle/ der
weder ihm noch andern guts thue/ Wie
Nabal / der dem König David inn sei-
nem Exilio ein Ritterzehrung versagte/
vnd die Diener des Königs spöttisch ab-
weisete. Wie auch zu Breslaw ein sol-
cher farger gewesen / mit Namen Chri-
stoff Herffel/ der in seinem alter in solchen
kummer gerahen / daß er immer sorge
gehabt/ im würde mangeln vnd gebre-
chen / darumb er weder andern noch ihm

F iij selbs

Vancket Herodis.

selbs guts gethan/vnd in solchen Teuffelischen Neid gerahen / daß er auch nach seinem todt niemandt vonn dem seinat etwas lassen wolte / darumb er alles was er gehabt / schendtlich vmbbracht / also: daß er Goldt / Silber / Kupffer / Zien/ Bley alles durch einander geschmelzt/ Kleider vnd Bettgewand zu kleinen stücken gehawen / vnd alles mit einander ins Secret geworffen/ nach dem er auch nichts mehr essen noch trincken wöllen/ bis er Hungers gestorben. An S. Tho= mas tag im Jar 1539.

Anno
1539. 19.
Decēb.

Wie auch die Poeten von einem Geizwanst vnd fargen Filze ein schreckliche Exempel melden / der viel geld vnd gut gesamlet/vnd seinen armen Nachbarn in der not auff ihr embsigs bitten nichts leihen noch fürstrecken wöllen/ sondern sie hunger vnd not leiden lassen. Vnd damit er sich entschuldigen vnd mit grund sagen möcht/ daß er kein Geldt im Hause hette / da erdacht er ein solche list/vergrub alle sein geld ein grossen

Vancket Herodis.

sen Schatz auff's feld/vnter einen baum
vnd welckete einen grossen stein darauff
zum sonderlichen merckzeichen/dabey er
sein gelt bey tag vnd nacht gewisz zu su-
chen vnd zu finden hette. Mittler zeit be-
gab sichs/das seiner Nachbarn einer da-
heim mit den seinen so groß armut vnd
hunger leidet/das er den jammer nimmer
ansehen kund / vnd auß verzweiffelung
sich ombzubringen gedachte/auff das er
im der Marter abhülffe. Wie er nun ein
strick nimpt/vnd im feldc einen Baum
suchet / sich daran zu hencken / kompt er
eben zum gemelten Baum / vnter wel-
chem der geizwanst sein Geldt vergra-
ben hatte. Vnd als er den stein fortwel-
ket/ auff das er den strick an Baum an-
knüpfen / vnd die schlinge mit dem
hals erreichen köndte/ in des wird er ge-
war / das etwas vnterm stein vergraben
liege/ greiffet ein wenig hinunder vnd
find ein grossen hauffen Geldes/da wird
der arme mann fro/ fasset sich mit dem
Geldt/ legt den Strick an die stätte vnd

S v spricht:

Bancket Herodis.

Spricht: Nun hencke sich der Teuffel an
meine statt / ich hencke mich warlich nicht
bey solchem Schas. Nach kurzer zeit
kömpt Kärgel / wil seinen Schas besich-
tigen / aber sein Gott vnd Heiligen wa-
ren weg / findet nicht mehr als den strick /
den ergreiffet er auß verzweiffelung vnd
erhencket sich ins Teuffels Namen / an
denselben Baum / daran sich zuvor der
arme Mann hatte hencken wollen. Dar-
umb soll ein Christ nicht ein Durandus
oder Hartman sein. Syrach spricht.
Cap. 14. Ein Lauser stehts vbel an / daß
er reich ist. Vnd was sol gelt vnd gut ei-
nem fargen Hunde & Da werden die
färlinge / Lauser vnd Hunde genannt /
denn solche drückpfenninge / schinden ei-
nem ein Lauß vmb den Balg / wie man
in gemeinem Sprichwort sagt / vnd
sind neidisch wie die Hunde / welche / ob
sie gleich gnug für ihnen zu essen haben /
dennoch andern Hunden vnd Katzen
nichts gönnen. Solches soll ihm kein
ehr

Vancket Herodis.

ehrliebender Mensch / viel weniger ein
Christ / nachsagen lassen / sondern also
halten vnd sparen / das auch ander leuthe
des genieffen mögen. Denn es ist wohl
recht gesagt: Wer da helt der hat. Aber
es heist auch / Ein guter Seruatus ist
ein rechter Bonifacius / wie das gemeine
Sprichwort lautet.

Wer aber zu schencken vnd zu geben
hat / der sehe auff nottürfftige Leuth / denn
es heist wol. Da petenti, es ist aber ge-
sagt von denen / die auß noth bitten / auff
die soll man / so viel möglich / acht haben /
denn es werden in allen stenden viel vn-
uerschempfter Bettler gefunden / die ohne
alle noth bitten / auch zu Hofe werden
solche Leuth gefunden / die mit ihrem
vnuerschempften geilen vnd Bettelen
Fürsten vnd Herren Arm machen.
Was mancher bey einem andern sihet /
das will er ihm abkäuffen / ehe denn es im
feil ist / welches ihm der ander ehren hal-
ben schencken muß / das heisset auch fein
höf-

Bancket Herodis.

Höflich gebettelt. Welchs doch vernünftige Heyden vor vnbillich gehalten / Daher auch Publianus sagt: Mala est voluptas, alienis assuescere. Das ist:

Wer sich nicht besser wil ernehren/
Dann auff eines andern beuthel zerē/
Verleßt sich auff den Bettelstab/
Fürwar der nert sich wie ein Rab.

Cicero spricht: Emere malo quàm rogare. Es kumpt ein viel leichter an etwas käuffen / denn lang omb ein ding hofieren vnd bitten. Item S. Paulus spricht: Beatius est dare quàm accipere. Aber man find viel leuthe / die das vnnötig vnd vnuerschempte betteln / weder für Sünde noch schande haben.

Darnach so werden vnder den gemeinen Bettlern vnd Landstreichern viel böser huben gefuuden / die im schein des armuts / vnterm Betels Mantel viel böses treiben. Wie vor etlichen jaren nicht weit von Northausen geschehen / da ein Bettler in eine Schefferey kommen / vnd omb Herberge gebetten / welchen der Scheffer

Vancket Herodis.

Scheffer (weil sein Weib in der stubē in
wochen lag) nach dem er ihm essen vñnd
trincken gegeben / durch den Knecht inn
die Schewren weisen ließ / vñnd wie der
Knecht auff einer Leiter empor gestiegē /
dem Bettler Strohe herunder zuwerf-
fen / zeucht der Bettler einen scharpffen
spizigen dreyecker auß seinem Stabe /
vñnd ersticht den Knecht auff der Leitern /
daß er bald herunder felt / vñnd todt blei-
bet / welchen er auch bald ins Stroh ver-
schorren. Den Scheffer begundt nach
des Knechts widerkunfft zu verlangen /
drum schicket er die Magd in die Scheu-
wer / den Knecht zu fordern / welche
auch als bald von dem Bettler ermordet
vñnd vñters Stroh begraben worden.
Da nun keines widerkompt / laufft der
Scheffer selbs hinnach vñnd fraget den
Bettler inn der Schewer / wo doch sein
Knecht sampt der Magd blieben weren /
darauff er im auß des Erklügners vñnd
Mörders des leidigen Teuffels einge-
ben / zur antwort gegeben / Er hette gese-
hen /

Bancket Herodis.

hen/das Knecht vnd Magdt miteinander die Leitern hinauff gestiegen weren/ vnd mit grosser verwunderung gehört/ wie sie sich mit einander gerammelt/ vnd ein gross gelächter gehalten/könne aber eigentlich nicht wissen was sie fürhätten/ Durch welche antwort der arme Scheffer betrogen vnd bewogen / daß er auch im zorn die Leitern auffgestiegen/vnd den Knecht sampt der Magdt suchen wöllen/aber ehe dann er halb hinauffkommen/hat ihn der Bettler durchstochen / daß er herunder gefallen vnd todt blieben / welchen er zu den andern beyden Cörpern gelegt / vnd mit Stoh bedeckt. Als nu der Bettler niemands mehr im Hause weiß/der im widerstehen köndte/gehet er hinein in die Stube/treibet die arme Sechßwöcherin auß dem bette / vnd führet sie mit sich inn die Scheure/ vñ zeigt ihr die drey Leichen/ mit ernster bedrängung / daß er gleicher gestalt sie auch hinrichten wölle/ so fern sie
sie

Bancket Herodis.

ſie ſin jren vorraht von gelte nicht geben
würde. Davon das arme Weib gar heff
tig erschrocken/ vnd jr leben zu retten/ her
für geſuchet vnd gegeben / was ſie ver
mocht/ vñ nichts deſto weniger ſich auch
mit jm auffmachen vnd davon wandere
ren müſſen. Wie ſie mit einander fürs
thor hinauß kommen/ wirt das arm weib
eindenck/ daß ſie ihr kleins kindlein in der
Wiegen vergeſſen / Darumb ſie baldt
vmbkeret daſſelbe zu holen / welches der
Bettler geſchehen laſſen / dann er ver
hofft ſie würde mehr gelts holen/ Da ſie
aber das kindlein bringt/ ergreiffet d' Bet
ler das kind bey den beinen/ ſchmeiſtſ wi
der die Thorſeulen / daß ihm das gehirn
auß dem Häuptlin ſpringet. Vnd muß
das arme ellende hochbetrübtē Weib
mit dem Erkbuben immer fortwande
ren/ biß ſie nahe bey einem dorffe weg ge
hen/ da auß Gottes ſchickung/ etliche zim
merleuth an ihrer arbeit/ deß Scheffers
Weib vonn ferrnen kenne / denen ſie
auch

Bancket Herodis.

auch gewincket vnd zeichen gegeben/dar-
bey sie verstanden/das es nicht recht zu-
gienge/darumb sie in grosser eil/ das ar-
me Weib zu retten/zugelauffen/den Bet-
ler mit ihren zimmer Erten vnd Bey-
len niedergeworffen/ gefangen vnd in die
Gerichte vberantwortet haben/ da auch
der Erzhöfwich seinen gebürliche lohn
empfangen/ Darumb ist wol von nöten
das man zusehe weme man schenck vnd
gebe.

Was aber ehrliche auffrichtige vnd
wol verdiente leuth belanget / inn hohen
vnd nidern stenden/ gegen denen sollen
sich auch ehrliche leuthe / mit geschenck
vnd gaben/nach ihrem vermögen vnd
guten willen/ehrerbietig erzeigen. Also
auch gegen den Nottärfftigen/ als gegen
Kirchen/Schulen/Hospitalen/ vnd an-
dern armen/sol man gastfrey / mild/vnd
gütig sein. Wie Abraham/Tobias/La-
bea/India / vnd andere heilige leuth ge-
than haben.

Hie ist auch zu wissen von nöten/ das

es

Bancket Herodis.

Es nicht gut sey/alles mit gescheneck vnn d
gaben/biß nach absterben zu sparen/denn
ob wol recht vnn billich das Christliche
Eltern durch ordentliche Testament
auch arme Freunden vnn andere not
türfftige Leuth bedencken / auch die Er
ben / ob gleich kein Testament vorhan
den/iren verstorbenen Eltern vñ freun
den zu ehren vnn gutem Gedechtnuß/
vom Erbgut / die armen bedencken sol
len/ So ist doch solchs gar schwer vnd ge
fährlich. Wie dann offte erfahren wirdt/
daß auch wol geordnete Testament ge
endert/oder gar nicht gefürdert werden/
vnd was die Erben ein mal in die Hen
de bekommen / nicht leicht vnn sich ge
ben. Wie zu Ferrar in Welschland ge
schehen / da ein reicher Doctor / welcher
manchen Beutel außgedroschen / vnn
viel Geldes gesamlet hatte/ ohne Testa
ment dahin gestorben / vnd seinem Son
groß gut gelassen. Wie nun die Pfaffen
vnn Mönche den Sohn vermahnet/
daß er seinem Vatter Vigilien / Seel
G messen

Banket Herod is.

messen vnd Jar gedächtnis stiftten solte/
sagte er: Ich finds in keinem rechten be-
schrieben / daß ich geerbet Gut weg ge-
ben solle. Das that er aber: Er ließ sei-
nem Vatter ein Grabstein legen / dar-
auff waren diese nachfolgende Wort ge-
schrieben.

*Durandus durus, iacet hic sub lapide duro
Quod ipse non fecit, nec ego facere curo.*

Das ist.

Hartmannus, hart im leben sein/
Liet vnder diesem harten stein/
Was er bey leben nicht gethon/
Das fürdert nu gar nicht sein Son.

Darumb mag ein jeder wol acht ha-
ben auff die Regel Syrachs Cap. 14. da
er vermanet vnd spricht: Thu guts den
Freundē vor deinem ende. Wie auch S.
Paulus vermanet / Gal. 6. Laßt vns guts
thun dieweil wir zeit haben.

Damit aber niemand mit den wider-
täufern oder andern Schwermern inn
den Irrthumb gerahete / als müsse man
alles inn die Kapuß werffen / oder in die
gemein

Bancket Herodis.

Gemein geben vnnnd selbs Betteln / so ist
auff die Regel zu mercken Prouerbio-
rum Cap. 5. Fontes tui deriuentur fo-
ras, tu autem Dominus eorum mane-
to. Das heißt / gib daß du ein andermahl
auch zu geben hast. In summa / maß
se ist allen dingen gut. Darauff zum
beschluß die Vers vnd Reimen zu mer-
cken.

*Ille sapit verè, qui callens hæc duo nouit,
Non nimium largus, nec nimis esse tenax.*

Das ist fürwar ein kluger Mann /
Der Gelt vnd gut recht brauchen kan.

Sein gelt nit allzeit hart verschleußt /

Das / wers bedarff / sein auch geneußt /

Doch gleichwol auch nicht lesset frey /

Daß solchs ein jedern offen sey /

Recht mittelmaß steht wol dabey.

V.

Das Fünffte Laster / dz der Satan
in diesem Bancket kochet vnnnd
aufftreget / ist der Falsche Eid
fürnemlich wider das ander Gebott / inn
welchem allerley mißbrauch des namens

G ij Gots

Bancket Herodis.

Gottes verboten ist. Damit wir aber desto besser vernemen wie schwerlich Herodes vnd viel andere / mit falschen Eydten wider GOTT sündigen / so sollen wir hie anfenglich mercken / daß recht schweren den Christen nit verboten / sondern viel mehr gebotten sey. Als Deut. 6. vnd 20. Du solt den HERRN deinen GOTT fürchten / im dienen / vnd bey seinem Namen schweren. Esa. 45. Wir sollen sich alle knie beugen / vnd alle zungen schweren. Vnd in der Epistel zum Ebreern Cap. 6. stehet. Daß der Eyd alles haders ein end mache. Des haben wir auch Exempel an Gott vnd seinen Heiligen. Als Ezechielis 33. Da schweret GOTT selbst / vnd spricht: So war als ich lebe / etc. Wie auch sonst in der Schrift gemein zusehen. Item Abraham vnd Abimelech haben einander geschworen / Genes. 21. Sanct Paulus hat auch geschworen / wie Rom. 9. vnd 2. Corinth. 1. zusehen ist / dabey gnugsam zuuernemen daß recht schweren nicht verboten ist.

Aber

Banket Herodis.

Aber darauff ist wohl zu mercken was recht schweren heisse / solches lehret vns Gott selbs in seinem wort / vnd sonderlich Jeremie am vierdten. Da er vns gar eine schöne Regel fürstellet vnd spricht: **Du solt schweren / so war der Herr lebet / ohne Heuchelen / recht vnd heilig.** In diesen Worten werden gemeldet / vier gedencckwürdige Conditiones, auff welche im Schwere[n] fleissig zu mercken ist.

Vier Con
ditiones
des recht
schweres.

Erstlich wer recht schweren wil / sol schweren / **So war der Herr lebet /** Das ist / in keiner Creaturen Namen / sondern im Namen des lebendigen Gottes / der vberall gegenwertig vnd allmechtig ist den billich jederman fürchten vnd ehren sol. Welchs auch Christus lehret Matth. am fünfften. Das wir weder bey dem Himmel / noch bey der Erden / noch bey etwas anders / auffer Gott schweren sollen. Wie auch die Historien

1.

Im namē
Gottes.

G iij vnd

Bancket Herodis.

vnd Exempel der Väter lehren / daß sie
gemeiniglich diese Formel gebraucht ha-
ben: So war Gott lebet /c.

II.
Ohne
falsch.

Zum andern sol man ohne heuche-
ley schweren / one falsch / das ist / herz vnd
Mundt sollen vberlein stimmen. Es sol
nicht heissen. Lingua iuravit, mens in-
iurata est, sondern es sol stracks heissen:
Trewlich vnd vngesährlich / stätt / vnd
fest zu halten / wie wir Deutschen solch
Formulam im Schweren zu gebrau-
chen pflegen.

III.
Wenns
die not
forderet.

Zum dritten / man sol recht schwe-
ren / oder wie die Lateinischen Wort lau-
ten: Cum iudicio, das ist / mit vernunfft
vnd bescheidenheit / daß man nicht leicht
fertig zu plake / sondern zuuor erforsche /
erkündige vnd betrachte / obs die Ober-
keit durch ordentlichen befehl / oder dein
Beruff / **GOTTES** ehr / dein oder
deins nehesten wolffart zu retten / erfor-
dere.

Zum vierdten / man sol Heilig schwe-
ren / das

Bancket Herodis.

ten/das ist/man sol nichts vnbillichs ver
heissen / nichts vngewürlichs angelobet/
nichts vnmögliches zu sagen / vnd inn
Summa nichts böses vnter Gottes Na
men vertauschen.

IIII.
Vnbilliche
sachen.

Diese Regel mit gemelten vier Con-
ditionen, solte Herodes auch bedacht
vnd gar nichts darwider fürgenom-
men haben. Aber er ferets gar vmb/vnd
handelet aller ding stracks darwider.
Dann niemandt weiß in wess Namen er
schweret/obs in Gottes oder ins Römi-
schen Keyfers Namen geschiehet / darzu
ist er ein Heuchlischer Fuchs / der vonn
grossen geschenck/bis auff die helffte sei-
nes Königreichs sagt/ aber im herzen dz
haupt Johannis meinet. So dringt ihn
auch gar keine not. Dazu ist ja gar ein
vnbilliche sache/ stracks wider Gott vnd
recht/einen solchen frommen H. Man/ von
alle schuld/schlecht auff bit vnd beger des
Hurenkinds/ so schendlich hinzurichten/
das mag ein falscher Eid heissen. Es

I.

II.

III.

IIII.

G iij war

Bancket Herodia.

war freylich schrecklich gnug gewesen/
Daß Herodes die vnbillliche zusage mit
einem Eidt betewret / vnd Gottes Na-
men mißbrauchet / aber noch schreckli-
cher vnd schwerer ist es / daß er auch den
falschen vnd vnrechten Eidt fürdert vñ
ins werck setzet.

Auff solche weise hat auch Jephtha
der Fürst in Israel / mit vnrechtem Eidt
gar schwerlich gesündigt / da er dem Her-
ren angelobte / wo er ihm beystehen wür-
de / die Ammoniter zu vberwinden / so
wölle er ihm / wenn er heimkeme / opffe-
ren / was ihm zu erst an seinem Haus
entgegen kommen oder begeben würde.
Durch welch gelübde der Jephtha an sei-
ner eignen Tochter zum Mörder ward /
wie Judic. 11. nach der leng / dauon zu le-
sen.

Also auch der König Agamemnon /
der seine schöne tochter Iphigeniam der
Göttin Diane / nach seinem gelübnuß
hinopfferte.

Dahin gehören auch die Closter ge-
lübde

Bancket Herodis.

lütde / als die vnchristlichen Eide der
Mönche/Nonnen vnd Pfaffen.

Hie wolt viel zu lang werden zu erze-
len / allerley art vnd weise des falschen
Eydes / so leider heutiges tages inn der
Welt / bey Gericht vnd aufferhalb Ge-
richten gemein ist. Item von allerley
leichtfertigen schweren in Bancketen/
zechen/vnd Spielen/ Auch im keuffen
vnd verkäuffen. In den kleinen kindern
ist das Schwere viel gemeiner / denn das
Vatter vnser / wie sie es von den alten
täglich hören vnd lernen.

Du meinen zwar viel leuch es sey ein
schlechter sach / oder geringe Sünde einen
falschen Eid thun / Aber wenn mans im
grund vnd nach allen vmbstenden be-
sithet / so kommen auch viel / vnd man-
cherley grosse Sünden darinn zusam-
men / vnd sonderlich diese drey. Erstlich
schendliche sicherheit wider das erste ge-
bot / denn gemeiniglich die falsch schwe-
ren / dencken vnd sorgen nicht / daß vn-
ser Herr Gott gegenwertig sey / vnd sich

G v als

Bancket Herodis.

als ein gerechten Richter erzeigen / den schuldigen part straffen / vnnnd den andern part retten werde. Darnach folget schrecklicher mißbrauch des Namens Gottes wider das ander Gebott / Endtlich folget liegen vnnnd triegen wider das achte Gebot. In summa / falsch oder vnrecht Schwören / ist stracks wider die liebe beydes gegen Gott / vnd den nehesten. Drumb auch vnser Herr Gott gar hefftig darwider zürne / vnd schwerlich strafset / wie nachfolgende Sprüche vnd Exempel zeugen.

Exodi 20. Der Herr wird den nicht vngestrafset lassen / der seinen Namen mißbraucht. Psalm. 5. Du bringest die lügner omb. Syrach Capitel 23. Wer oft schweret / der sündiget oft / vnnnd die plage wirt von seinem Hause nicht bleiben. Die falschen zeugen die sich wider Christum brauchen liessen / wurden sampt ihren Herren öffentlich vor allem volck zu schanden. Die drey buben / welche

Vancket Herodis.

che den fromen Bischoff Narcissum des
Ehebruchs beschuldigten / die sache mit
einem hohen eide betewerten / vnd sich
selbs vermessen / wo sie ein falschen Eidt
theten / das sie Gott straffen solte / fielen
auch in gebürliche straff / nach irem eige-
nen vrtheil. Denn der eine sprach / so ich
vnrecht schwere / so gebe Gott das ich ver-
brandt werde / der ander felt ihm das vr-
theil an der Geelsucht zu sterben / der drit-
te / setzte seine augen zu pfande. Darumb
weil sie ein falschen Eidt theten / straffte
sie Gott nach ihrem vrtheil / also das der
erste / in seinem eigen Hause im sewer ver-
darb / vnd der ander inn der Geelsucht
starb / dabey der dritt des gerechten zorns
Gottes erinnert vnd bewogen ward /
das er für grossen leidt vnd bekümmer-
nis immer weinete / bis ihm seine augen
drüber verdorben / vnd gar verblindet /
Das heist: Iustus es Domine, & rectum
iudicium tuum.

Warlich hie mögen sich auch wol spie-
geln / alle die inn rechten Eiden ohne
alle

Vancket Herodis.

alle redtliche vrsachen den glauben brechen vnd nicht halten. Dann/ wie hin vñ wider mit grund geleret wird/ so sol auch den feinden/ viel mehr den freunden in billichen sachen / glauben gehalten werden. Wer aber dawider thut/ darff nicht dencken/ daß er Gottes zorn vñnd straffe entgegen werde. Viel Gesellin vñ Jungfrawen/ so wol Männer vñnd Frawen/ die mit den Ehegelübdmussen scherzen vñnd spielen / gleich wie mit Epffeln/ vñnd Birnen / heut einander was zusagen vnd hoch bethewren / Morgen aber nichts dauon wissen wollen / die fallen vnserm Herren Gott gemeiniglich dermassen in seine straffen / daß sie mit andern die zeit ihres lebens kein glück noch wolffart haben / sondern vnder vielfaltigen schweren plagen / in ihrem herzen vñnd Gewissen sich beissen vñnd naggen.

Also auch in andern sachen/wo man nicht glauben helt / folget gemeiniglich jammer vnd not. Wie solches die Römer

Vancket Herodis.

mer auch erfahren haben ahn Alarico
der Gothen Könige damit es also zugan
gē: Alaricus hatte wider die Römer einen
schweren Krieg gefüret/ Nach dem er a=
ber mit Italia einen frieden aufrichtet/
vnd gleich am Ostertag sein Kriegsz=
uolck auß Italia in Galliam führen wolz=
te/ vnd sonderlich an solchem Heiligen
tage / sich vonn den Römern nichts be=
sorgte/ da wird er ganz vnuersehens/ wi=
der trew vñ ehr der Römer/ vñ Stillico=
ne vberfallen/ vnd werden viel von sei=
nem Volck erschlagen. Das kondt vnd
musste nicht wol gerahen / sondern Ala=
ricus macht sich des folgenden tags als
am Ostermontag mit seinem Volck ge=
rüstet/ den betrug Stilliconis zu rechen/
vnd gelückt ihm dermassen / daß er des
Kaysers Kriegszuolck/ mit einer gewalti=
gen Schlacht erleget. Zuecht darauff
stracks nach Rom / belegert vnd engster
die Stadt / die er auch nach zweijähriger
Belegerung gewonnen vnd eingenom=
men hat.

Ein

Anno
Christi
410. 26.
Aprilis. |

Vancket Herodis.

Ein solch Exempel haben wir auch an Könige Vladislao von Ungern/ welcher vom Türckischen Keyser Amuratho 2. bey Varna umbkommen. Mit welchen sichs also zugetragen: Vladislaus König von Ungern/hatte einen stattliche Sieg wider den Türcken erlangt / also daß der Türckische Keyser umb Frieden bitten mußte/drauff auch ein zehnjährigen fried zwischen inen auffgericht / vnd bestetiget ward/mit thewren reden/wie gebreuchlich/der fromme König Vladislaus ward durch des Papsts Gesandten Iulianum Cardinalem vberred/ Christen dörrft einem solchen Feind nicht glauben halten. Drumb er sich mit vielen versamleten Herrschafften vnnnd grossen Kriegsvolck auffmachte/vnnnd den Türcken mit Heeres krafft zusehē wolte. Wie es auch anfenglich geriet daß die Türcken in grosse not kamen/vnnnd mit grossem schaden weichen/vnd flucht geben mußten. Aber das Glücke wandte sich. Denn wie der
Tür

Bancket Herodis.

Türkische Keyser auff einem kleinem
Berglin in der höhe/die noth vnd gefahr
seines Volcks anschawete / streckte er sein
Schwert für sich in die Erden/sah auff
den Himmel / ruffte mit lauter stimme
vnd sprach: O Jesu Christe/diß sind die
Bündniß/ so deine Christen mit mir ha-
ben auffgericht / vnd haben mir deinen
Heiligen Namen drüber geschworen /
vnd mit ihrem falschen schweren / ihres
Gottes selbs verleugnet / Nun wol an/
bistu denn GOTT/wie sie sagen/ so wöl-
lestu heut zu Tage / deine vnd meine
schmach rechnen. Darauff ist von stund
an gangen/das der Christen Heer durch
die Türcken ist getrennet / inn die flucht
getrieben / vnd der fromme König er-
bermiglich erlegt vnd erschlagen worden/
vnd sind auff beyden theilen mehr als
Fünffzig tausent Mann todt blieben/in
welcher Schlacht / obgemeldter Cardi-
nal Iulianus Caesarius, nach seinem
verdienst auch mit vmbkommen / vnd
der

Anno
1444. 18.
Novemb.

Vancket Herodis.

Der weit berümbte Graff Johannes Humiades des Königs Matthie Batter/ der diesen Krieg trewlich widerrahnten / vnd den auffgerichtten fried zu halten vermanet hatte/ in der flucht mit noth kaum daruon kommen ist. Vnd solchs ist geschehen am tage Martini.

Darumb mag nun ein jeder lernen/ daß er sich für falschem Eide fleissig hütete vnd fürsehe / vnd da jemandt auß fleischlicher schwachheit irret / oder vom Teufel vnd bösen Leuthen zu falschen Eiden verleitet/ vnd verführet würde/ der schawe daß er bey zeitē im geraumē umbkere vnd busse thue. Wie Isidorus lehret vnd spricht: In malis promissis, rescinde fidem. Hastu was vnbillichs verheissen/ wider obgemelte Regeln/ so darffstu nicht glauben halten / Denn da würden sünde mit sünde geheuffet vnd gemehret. Vnd hieher gehöret auch der Spruch Catonis: Improbum iusiurandum aque inscribito. Hastu was vngewürlichs verheissen vñ angelobet / so schreibs
an

Banket Herodis.

anzapffen/oder auff's Wasser. Wie vns
auch der Königliche Prophet Dawider
mit seinem Exempel leret/da er sich vber
dem fargen filse Nabel. dermassen er
zürnete/das er auch bey einem hohen ey-
de bethewret / er wöll des Nabals Haus
außtilgen/ Aber da ihm die vernünfftige
Abigail/mit glimpfflichen Worten bege-
gent / lest er den gefasten zorn vnd vn-
billichen Eyd gern fahren / in betrach-
tung / das er denselben ohne vnschuldig
Blut vergiessen / nicht hette verrichten
können. Welchem Exempel ein jeder
Christ mit gutem Gewissen folgen kan
vnd sol. Wer aber einen rechten oder bil-
lichen Eyd gethan/der gedencke vnd häl-
te glauben / wie Cato spricht: Iusiuran-
dum serua. Darauff nachfolgende wort
zum beschluß zu mercken.

Cole & venerare iusiurandum.

Halt dich im schweren recht vnd wol/
Wie sich ein Christ verhalten sol.
Denn ob wol fest verbind der Eid/
So hat doch haltung vnderscheid.

H

Das

Bancket Herodis.

VI.

Das sechst Laster/durch welchs der Sathan im Bancket Herodis/viel vnlust gekocht vñ auffgetragen / ist die schendliche Heucheley / ein schreckliche sünd widers achte Gebot/ in welchem Gott/ als die ewige warheit/vv allen Menschē rechtschaffene warheit erfordert/vnd alles was der warheit zu wider ist/mit ernst verbeut. Nun ist freylich die Heucheley/ als wenn man einem sein böß fürnemē nit straffet/sondern mit stillschweigen billichet vñ fürdert/ der lieben warheit gar zuwider/vñ ein vrsach vieles jamers. Drum sol ein jeder in seinē stand vnd beruff der liebē warheit gemess handeln lernen / wie auch Phocylides sagt: Ne alterum celes corde intellectum, alia dicens. Gehe gerade zu/vñ sage was dir vmbis herz ist. Johañes der trewe Hofprediger/geht der sachē richtig vnter augen/er sagt one heucheley gerade heraus: Non licet tibi, &c. Vngeacht/das er im gewisse rechnung machen muste / das er mit

Banket Herodis.

mit seiner Straffpredigt vbel anlauffen
würde. Aber der fromme Johannes kan
nit fürüber/ den er hatte für im Gottes be
fehl/ Ezech. 33. Wirstu den Gottlosen nit
warnen / so wil ich sein Blut von deiner
hendē fordern. So weiß er auch daß treu
we diener können grossen nutz schaffen/
denn Gott selbs verheisset/ Esa. 55. Daß
sein wort nit läer abgehen soll. Item daß
fromme diener iren Lohn im Himmel haben
sollen/ drum ist er in seinem ampt trew
vnd fleissig/ vnd ist bereit sein leib vnd le
ben drüber zu wagen. Wie die Heiligen
Propheten one schew/ mit darsetzung leib
vnd Lebens die warheit gepredigt ha
ben. Wie auch hernach die lieben Apo
stel vnd ihre nachfolger/ Item zu vnsern
zeiten Johannes Hus / Martinus Lu
ther/ Philippus Melanthon/ seiliger ge
dechniß/ vñ nebe inē andere trewe dicke
des worts/ in der liebē warheit dē Teufel
vñ seiner braut vnter die augen geleucht/
vñ darüber manch grausam vngewitter
aufgestandē haben. Wie aber Johannes

H ij auff

Banket Herodis.

auff seinem theil/ als ein trewer Hofprediger/ der sachen richtig vnter augen gangen ist / Also solten auch die Geistlichen Väter von Jerusalem/ vnd nachmahls die Hofrâthe vnd Junckern auff ihrem theil/ das beste zur sachen geredt/ den König wegen seines vnbillichen fürhabens erinnert/ gestrafft / vnd zum guten angehalten/ vnd des Hofpredigers straffpredigt im besten auffzunehmen vermahnet

4. Re. 5. haben. Wie des Naeman Syri diener/ ihren Herren/ wegen seins vnglaubens/ strafften/ vnd dem Propheten Elisa zugehorchen vermaneten: Vnd da Herodes ihn nicht hette wollen wehren lassen/ sondern stracks sein mütlein an Johanne fühlen wollen / so solten sie den frommen Johannem beseit an sichere ort verschaffet haben / wie der fromme Abdias des Königs Achas Hofmeister mit den Hundert Propheten that. Oder da ihnen vom Könige mit ernst were befohlen worden / etwas widerwertigs gegen den frommen Prediger fürzunehmen/ solten

Dancket Herodis.

Solten sie sich stracks dawider gesetzt ha-
ben/ wie Saulis Knecht theten/ die sich 1. Re. 22.
keines weges an den Priestern des Her-
ren vergreifen wolten/ vngeachtet / wie
hart sie vom Saul bedrawet vnd genöti-
get wurden. Viel weniger hetten sie ihm
mit stillschweigen sein fürnemen billiche
vñ fürdern/sondern stracks die Wahrheit
sagen sollen. Wie der fromme Iurist Pa-
pinianus, dem Keyser Anthonio Ealsia-
no sein böse that/ daß er sein Stiefmüt-
ter zum Weibe genommen / vnd sein
Bruder ermordet / zu gefallen nicht bil-
lichen noch vertheidigen wöllen / son-
dern dem Keyser ohne scheuw vnter au-
gen gesagt / Es sey ein Mordt nicht so
leicht zu entschuldigen/als zu thun. Dar-
ob auch der Keyser ergrimmet/den from-
men Juristen für seinen augen baldt
erwürgen vnd ombbringen lassen. Wie
denn gemeiniglich der bitteren warheit
solcher danck vnd lohn ganz heimisch
nach zuschleichen pflaget. Aber Herodis
Hoffleuth wöllen den Fuchs nicht beis-

H ij sen/

Vancket Herodis.

sen/noch der Ragen die Schelle anhen-
cken/sondern sehn vnnnd hören zu / lassen
sich bedüncken es sey an armen Pfaffen
ein schlechter verlust / lassens den König
mit seinem Frawenzimmer kochen vnnnd
machen wie sie wollen/tuschen vnnnd lü-
schen/damit sie nur ins Königs Gunst
vnd Gnaden/bey Reichthumb/Ehr vnd
Herrligkeit bleiben mögen / vngeachtet
wo Johannes bliebe. Mit welchem still-
schweigen sie dem Könige sein fürhaben
gebillichet/gefürderet / vnnnd eben damit
den König mit Landt vnd Leuthen/vnnnd
sich darzu inn verderb vnnnd vntergang
gebracht haben. Wie wir zu letzt hören
werden.

Solche Heuchler waren auch an
1. Reg. 22. Saulis Hofe / sonderlich Doeg / wel-
1. Ke. 26. cher den David verriecht vnnnd die Prie-
3. Ke. 22. ster zu Nobe tödtet. Item die Bürger von
Siph/die den David auch verriechten.
Item die Vierhundert falsche Prophe-
tere. 38. ten / die dem Könige Achab nichts ver-
drieß

Bancket Herodis.

driefflich weiffagē wolte. Solche Heuchler warē auch die Fürsten vñ Hofleuthe/ die den König Bedechiam wider den Propheten Jeremiam verhebtē vñ verbitterten. Item die Schmaroker/ die beim Könige Dario dem Propheten Daniel ein Bancket einschyencken. Item die Fedderleser/ die des Königs Ahasueri zorn wider die Königin auffschüreten. Solche Heuchler hatte auch Cambyses der König in Persien vnter seinen Rächten / die dem König ein sonderlich Reich tichteten/ daß er thun möcht/ was in gelüste.

Solche Zellerlecker waren auch die Pfaffenknechte zu Jerusalem / die vmb eins kleinen gewinns willen / den Jüden zugefallen den Herren Christum gar vbel tractirten. Wie auch noch heut viel gefunden werden inn allen stenden / die dem Teuffel vnd seiner Braut hofieren. Als im Römischen Hofe / da gar mancher/ dem Antichrist zugefallē/ vber Christum vnd seine Diener ein bluttigs oder fewrigs vrtheit fellet / Item vnter den

H iiii Evans

Bancket Herodis.

Euangelischen viel sind / die den Mantel nach dem Winde feren / vnd vmb des hauchs willen sagen / was die leuth gern hören. *Mich. 3.* Ober welche Micheas flaget. Also auch vntern Hoffleuthen haltens viel für ein sonderliche geschickligkeit / wenn sie alle sachen auff Goldt gewicht richten können / darumb sie ihnen gar nütze machen / die Regel Aristotelis die er den Calisthenem lehrete / als er an des Königs Alexandri Hof ziehen solte. Welche Regel also laut: Cum tyrannis aut minimè aut iucundissime loquere. Daz ist: Wiltu mit Fürsten vnd Herren / vnd sonderlich mit tyrannen reden / So rede entweder wenig oder nichts / oder rede was sie gern hören. Solche fürsichtigkeit (wie es die Welt nennt) fleußt auch von Hofe / vnter gemeine Leuth / werden rechte Gnawones, vnd haltens für die beste Narung / sich mit Worten vnd Wercken dermassen inn die Welt zuschicken / daß sie auch bey fürnemen leuten raum vnd platz haben / vnd in Collationen oder Bancke-

Bancket Herodts.

Bancketen einen guten trunck erwischen
mögen.

Was aber solche Heuchler / Schma-
roker vnd Tellerlecker / für schädliche leu-
te sind / ist nicht allein im außgang dieser
Historien / sondern auch sonst in vie-
len andern Sprüchen / Historien vnd
Exempeln zu erkennen. Als im zwey-
vnd fünfzigsten Psalm zeuget der hei-
lige Geist / daß der Heuchler rede zum
verderben diene / welches zugleich vom
zeitlichen vnd ewigen jammer mag ver-
standen werden / darein die Heuchler sich
vnd andere zuführen pflegen. Darumb
auch Salomon spricht. Prou. 11. Durch
den Mund des Heuchlers wirdt sein
nehester verderbet. Item / Prouerb. 26.
Ein Heuchelmaul richtt verderben an.
Pro. 29. Wer mit seinem Nehesten heu-
chelt / der breitet ein Netz zu seinen fassen.
Das ist / wenn ein Heuchler einem sein
thun vnd wesen lobet vnd billichet / daß er
billich straffen solte / so gibt er jm zu mehr
sünden raum vnd vrsache / in welchen er
H v sich

Bancket Herodis.

sich endlich wie in einem neze verwirret/
fellet vnnnd verdirbet / darinn doch der
Heuchler auch mit hafften vnd verder=
ben muß. Damit auch Ludouicus Vines
stimmet/da er spricht: Assentatio deforme
nitium, turpe illi qui dicit, pernitosum
ei qui audit. Darumb auch Diogenes
gesaget hat: Daß vnter allen zamen Thie=
ren kein schedlichers sey / als ein Heuch=
ler. Desß wir ein sonderlichs Exempel ha=
ben/ Actorum 12. Da die Heuchler dem
Herodi ein schreckliche Kirmes zurich=
ten/also daß er von dem Engel des Her=
ren geschlagen vnd von würmen gefres=
sen ward. Desßhalben auch allen Heuch=
lern gar schreckliche straff gedrawet wird
Psal. 52. Da David also spricht: Du re=
dest gern was zum verderben dienet mit
falscher Zungen / Darumb wirdt dich
Gott auch gar zustören vnd zuschlagen/
vnd auß der Hütten vnnnd Landt der le=
bendigen reissen.

Weil dan die Heuchler/ so schendlich
vnd

Vancket Herodis.

vnd schedliche leuthe sind / die von Gott
so hefftig gehasset / verflucht vnd gestrafft
werden / so sollen sie auch billich von al-
len Gottliebenden Menschen geflohen
vnd gemieten werden / vnd sollen sich
fromme Ehrliche Leuth mit Wort vnd
that / dermassen erzeigen / dz sie an der lie-
ben warheit / vnd nicht an Lügen oder
Heuchelen irgendt ein gefallen haben.
Wie vom Dauid der Jüngling (der im 2. Reg. 12
zu Heuchlen die Botschaft brachte / das
Saul erschlagen were) gar vbel empfan-
gen ward. Desgleichen auch die Buben
die den Isbosesch Saulis Sohn erschla- 2. Reg. 4
gen hetten / vnd das Haupt für den Kö-
nig Dauid brachten / ihm damit zu
heuchlen / das Tranckgelt nicht zehlen
kondten. Item / Alexander Magnus ist
den schmeichlern so feind gewesen / wenn
einer mit heuchelischen geberden für ihn
kommen / hat er ihn entweder mit harter
straff empfangē / oder in sonsten mit hon
vnd spot abgefertiget. Item / Achilles
beim

Vancket Herodis.

beim Homero spricht / daß er den Heuchlern grämer vnd gehessiger sey denn dem bittern todte. Welchen Exempeln ein jeder der die warheit liebt / nachfolgen sollte. Vnd dargegen sollen wir auffrichtige Leuth / so die warheit lieben vnd vhen / ob sie vnns gleich nach erforderung ihres Ampts vnd Beruffs oder auß Christlicher liebe / ein gut Capitel vnd scharpfen text lesen / dennoch gern vmb vnd bey vnns haben / sie lieben / ehren vnd fördern / sintemal solche Leuth nicht schaden / sondern nützen vnd frommen. Wie Salomon spricht / Prouerb. 27. Melior est increpatio manifesta, quam amor absconditus. Öffentliche straffe ist besser denn heimliche liebe. Darauff zum beschluß dieser nachfolgende Sentenz vnd reimen zu mercken.

Plato.

Veritate nihil melius, nihil durabilius.
Die warheit reden ist das best /
Die Heuchler sind Ehrlose gest.

Ein

Bancket Herodis.

Ein Christ sey nur ein frey bekennner/
Gerade zu macht gute Kenner.

VII.

Das siebende Laster / mit welchem
der Sathan im Bancket Hero-
dis / dem Faß den boden außge-
stossen / ist das schendliche blutbad / in
welchem der fromme Hofprediger Jo-
hannes der Täuffer seines lebens berau-
bet worden. Widers Fünffte Gebott / in
welchen nicht allein eusserlicher Morde
vnd Todtschlag / sondern auch allerley
vngütige wort / Item vnfreundliche ge-
berde / sampt den zornigen gedancken ver-
botten sein. Wie Christus selbs diß Ge-
bott erkleret vnd aufleget. Aber ein groß *Matt. 23*
wunder ist hie zu sehen / wie der Sathan
inn diesem Bancket auß einem fleinen
Füncklin ein groß Feuer auffblasen /
auß einem heimlich geschöpfften grollen
wider Johannem / ein schrecklich blut-
bad zugericht hat.

Dem

Bancket Herodis.

I.
Zornige
Gedancke.

Denn erstlich vernemen wir/wie He-
rodes sampt seinem Frawenzimmer vnd
Hofleuthen / einen heimlichen grollen
wider iren Hofprediger schöpffen / ohne
alle billiche vrsach mit ihm zornen / ihm
kein guts/sondern alles arge gönnen vnd
wüandschen.

II.
Unfreund-
liche ges-
berde.

Darnach lassen sie den gefastten zorn/
aus dem herzen durch sawrsehen/Mur-
ren/grunzen/ vnd andere unfreundliche
geberde herfür blicken.

III.
Ungütige
Wort.

Item da wirdt dem frommen Pre-
diger kein gut Wort zugesprochen/seiner
wirdt mit keinem wort zum besten ge-
dacht/ Sondern da werden eitel blutige
Kathschleg ober ihn gehalten.

IIII.
Schedlis-
che wer-
cke.

Nach gehaltenen heimlichen Kath-
schlegen / ohne alle rechtmessige vrtheil/
schicken sie den Hencker ober ihn / vnd
lassen ihn im Gefengniß heimlich vnd
Neuchlinges hinrichten. Das heißt ja
durch alle vier Gradus das Fünffte Ge-
bot vbertretten.

Ach

Bancket Herodis.

Ach wie ein greulich that/ vnd ganz
erschrecklich zu hören/ das Mutter vnd
Tochter so blutigirig sind/ dz so ein junges
Meidlin/ auff rath vnd eingeben der al-
ten Bräctin / one alle schew für dē Tisch
dahin trit/ vnd nit vmb eine gülden Ket-
ten/ noch vmb etliche Tausent gülden/
sondern vmb das Haupt Johannis / ihe
auff einer Schüssel zugeben/ bittet vnd
anhelt. Da doch sonst Weibspersonen
von natur/ auch für einer schlechten blu-
tenden wunden ein abscheuw vnd schre-
cken habē/ da bittet diese ganz vnerschro-
cken/ das der König verschaffen/ vnd be-
fehlen wölle/ dem Hofprediger den kopff
abzuhaben/ vnd jr denselben/ nicht in ei-
nem Sack verborgen/ sondern öffentlich
in einer schüssel geben wölle / vnd solches
balde/ on allen verzug/ dan zugleich Mut-
ter vnd Tochter jmer sorg hatten/ das et-
was darzwischen kōmen/ vñ jren Karren
zu rück schieben/ möchte. Dabey zusehen
wie Mutter vnd Tochter so gar vom
Teuffel besessen/ vnd dermassen in zorn
vnd

Bancket Herodis.

vnd grimm erhitet gewesen / daß sie nicht haben ruhen noch seynen können / biß daß sie mit dem Blut Johannis ihren durst geleschet hetten.

Zu erbarmen ist es / daß Herodes auff bitt des Frauenzimmers / zwar auff sein eigen anstiftung / vber den frommen vnschuldigen Mann / ohn allen rechtmessigen proceß / ein blutig vrtheil gehen leß. Er ist kläger vnd Richter / die Hofleuthē sagen alle placet / Drauff der Hencker hingehet / vnd dem frommen Prediger den Kopff abhawet.

Zu klagen ist es / daß der thewre mann Gottes / der nicht im winckel geleret / sondern öffentlich von Christo geprediget vnd die warheit ohne scheuw bekandt / so heimlich vnd Meuchlings muß hingetrichtet werden / Dabey zu sehen / wie der Teuffel im finstern mauset / vnd mit seinen Practicken nicht darff ans liecht kommen.

Das Meidlin aber nimpt das blutige haupt Johannis / vom Hencker / auff
ein

Bancket Herodis.

Ein Schüssel / vnd tregts als ein herrlich
schawessen daher / vnd bringets mit gros=
sen freuden ihrer Mutter / als habe sie es
nun gar wol außgerichtet / welches auch
die Mutter / mit sonderlichen freuden zu
grossen danck auffgenommen. Vnd ist
wol dafür zuhalten / daß die alte Breckin /
dem haupt Johannis / viel hohn vnd
spott wird bewiesen haben. Wie die Ful=
uia dem haupt Ciceronis thet / da sie es
in ihre feuste bekam / in ihr Schloß legte /
im die Zungen heraus zoch / mit Nadel=
durchstach / vnd viel hönische spöttische
wort drüber füret. Also wirts dieser blut=
girige wanst vnd vnstetige Saw / am
haupt Johannis schwerlich gesparet ha=
ben.

Nu lassen sich Herodes / sein Frawen=
zimmer vnd Hofleuth bedüncken / als
haben sie es gar wohl außgericht / dem
Wescher oder Spey vil das Cantate ge=
legt / vnd hoffen nu friede zu haben / vnd
nach eigenem gefallen zu leben / geden=
cken des armen Bettlers solle wol verges=
sen

J

sen

Bancket Herodis.

sen werden. Aber es feret sich das Spiel
gar vmb / vnnnd gehet nach den Worten
Dauids/da er also spricht: Der Herr
gedencket vnd fraget nach ihrem
Blut / vnnnd vergißt nicht des
schreiens der Armen. Ach wie solt
es vnser Herr GOTT vergessen vnd
vngerochē lassen? Schreibē doch die na-
tur kündiger von Wolffen/das sie nicht
lang leben können/wenn sie einen Men-
schen zerreißen vnnnd fressen / dabey er-
scheinet das GOTT auch an den vnuer-
nünfftigen Thieren Menschenblut zu
rechen pfleget / wie solte dann das Blut
des frommen Johannis/an disen Beer-
wolffen vngerochen blieben sein? Gott
hat ihnen lange gnug zugesehen / 1. Wie
sie sein Wort verachten / 2. Geschlem-
met vnd im sause gelebt / 3. Sich in vn-
zucht vnnnd Blutschanden gewelket / 4.
Viel dings vnnützlich durchbracht vnnnd
der armen oder nottürfftigen gank ver-
gessen!

Bancket Herodis.

gessen/5. Mit falschem vnd vnbillichen
Eid des Heiligen namen G D T es ge=
mißbraucht/6. Mit Heuchelen der war=
heit den paß verlegt/ vnd sonsten man=
cherley Sünden vnd schand begangen.
Aber da sie es gar zu grob machen/ vnd
7. Dem H Erren Christo seinen treuwen
Diener auffreumen/ ohne alle Barm=
hertzigkeit schendlich erwürgen vnd umb=
bringen/ vnd damit jr Bancket zu einer
rechten Blutfirmes einweihen/da könen
vnd müssen die grimmigen Wolffe nit
lang mehr leben/sondern kaü ober 8. oder
9. jar geht die rache des Herrn an/da He=
rodes von seines verstoffene Weibs Vat=
ter/ nemlich vom König Areta auß Ara=
bien, mit schwerem Krieg überzogē wor=
den/in welche Herodis Hofleute schend=
lich erschlagen vnd umbkommen sein/ He=
rodes ist beim Römischen Keyser in vn=
gnadē kömen/vnd sampt der alten Brä=
ckin ins elend verwiesen wordē/in welche
sie vnter dem gericht vnd zorn Gottes in
grossen herzenleid vnd verzweiffelung

J u in

Bancket Herodis.

Josephus
Antiq. lib
18. Cap. 9.
vnd 14.

in iren sünden gestorben vnd verdorben
sein. Wie Josephus nach der leng da=
von schreibet. Vñ wie Nicephorus mel=
det/ so sol das Weidlin/das dem fromen
Hosprediger sein haupt abgetanket hett/
vnderm Eyß erstickt vnd schendlich vmb
kommen sein. Das mag warlich heissen
Iratum grauis est res habuisse Deum.
Es solt einer lieber die ganze Welt vñnd
alle Teuffel erzürnen vñnd zu feinden ha=
ben / denn Gottes zorn auff sich laden/
dem freylich niemand widerstehen noch
entlauffen kan.

Sie laßt vns nu auff nachfolgende
stück gut achtung haben / vñnd wol mer=
cken.

I.

Erstlich / wie der Zorn das rechte
zündwulfer sey/darauff der blutdürstige
feind der leidige Teuffel grosse erschreck=
liche Feuer auffbleset / dadurch zugleich
Land vñnd Leuthe erbermiglich vnderge=
hen vñnd verderben. Davon auch Seneca
schreibet / daß keine Pestilenz / wie groß
vñnd hefftig sie immer sein möge / nicht

so

Zancket Herodis.

so grossen schaden thun könne / dann da
durch nun etlich hundert / oder etlich tau=
sent menschen hingerafft / etliche Dörf=
fer vnnnd Stätte außgeraumbt werden.
Dagegen durch den zorn / wo man jhm
raum leßt / vnaußsprechlicher jammer
vnd not erwechset. Denn dadurch wirdt
vnter den Menschen lieb vnnnd freunds=
schafft auffgehoben. Die herzen vnnnd
gemüt werden gegen einander erbittert /
da folget Hadder / Zanck / Mord / Krieg
vnnnd schrecklich Blut vergiessen / dar=
durch alle Regiment / Geistlich vnnnd
Wellich / zerrüttet / Dörffer / Stätt vnd
gewaltige Bestungen / jämmerlich zer=
rissen / vnd verwüstet / vnnnd in Summa
Land vnd Leut ganz erbermiglichen ver=
derbet werden. Vnnnd das noch grösser *Matth. 5*
ist / viel menschen im gefassten zorn / ohne *Gal. 5.*
busz dahin sterben / vnd zugleich mit leib *1. Ioha. 3.*
vnnnd Seel verderben. Drumb hoch ven=
nöten / daß wir nach Gottes ernstestem be=
fehl vnd willen / in Sanfftmuth vnd ge=
dult / den zorn bey zeiten überwinden vnd

J iij dempffen

Vancket Herodis.

dempffen lernen. Wie auch der schöne
verßleret: Vince animos, iramq; tuam,
qui cætera vincis. Das sollen wir thun
nicht allein da vnd dann / wo wir kein
redlich vrsach zu zornen haben / sondern
auch da wir von jederman mit Worten
oder wercken beleidiget werden / sollen
wir dennoch vns nicht selbs rechen / son-
dern die sach vnd rache dem lieben Gott
heimstellen.

Deut. 32.
Rom. 12.

II.

Darnach ist hie zu mercken / daß vn-
ser Herr Gott alle blutfirmessen / blinde
lernen / Hadder / Zanck / Mord / Tyran-
nen vnd Blutvergiessen / auff sonderli-
che schreckliche weise / heimzusuchen vnd
zu straffen pfleget. Wie nicht allein diese
Historia vom Herode / sondern auch son-
sten viel andere merckliche Historien vn-
eyempel zeugē. Als Cain / der seinen Bru-
der Abel jemerlich ermordet / mußte mit
forcht zittern in der flucht gehn / biß er el-
lendiglich in sünden starb vnd verdarb.

Gene. 4.

2. Reg. 13

Absolon ließ auff der Scheerfirmess /
seinen Bruder Amnon wegē begangener

vns

Bancket Herodis.

vnzucht an der Schwester/ durch vnordentlichem gewalt erwürgen vnd vmbbringen / aber solche vnd andere mißhandlungen/ wurden gar thewer an ihm gerochen. Da er an der Eichen behangen blieb/vñ mit scharpffen spissen durchrennet ward.

Der König Achab der den frommen ^{2.Reg.18} Naboth / vmb des Weinbergs willen/ steinigen ließ / ward im streit erschossen/ vnd sein blut ward von Hunden auffgelecket/ ^{3.Reg.22.}

Alexander Magnus erstach im Bancket seinen guten freund Clytum, vmb keiner andern vrsach/ denn daß er seinen Vattern den König Philippum so hoch rühmete vnd preisete/ welchs Alexander in solcher meinung auffnam / als würde er durch Clytum verkleinert / darumb ward ihm auch widerumb ein Bancket bestellt/dz im auff anstiftung Antipatres im Conuiuij bey dem Arzt Thessalo/ giftt eingescheneckt worden/welchs er bald im trunck mit grossen schmerzē befundē/

J iij vnd

Bancket Herodis.

Anno an-
te Nat.
Chri. 323.
28. Junij.

Vnd am Sechsten tage hernach im 33. jar seines alters elendiglichen gestorben ist.

Herodes Aſcalonita, der die vnſchuldigen kindlin tödtet / Item Herodes Agrippa, welcher Jacobum den Apoſtel tödtet / ſeind ſchrecklich vntergangen / wie inn Historien nach der lenge zuleſen.

Der Keyſer Nero / ein rechte wilde Beſtia / voller Laſter vnd Schand / der ſein Weib Octauiam verſtieß vnd erwürgen ließ / vil leuthe durchs Schwerd vnd gifft gar vnſchuldiglich hinrichtet / Auch ſeine eigene Mutter Agrippinam erſtechen vnd auffſchneiden ließ / zubefehen / wo er in Mutterleib gelegen were / welcher auch S. Petrum vnd S. Paulum hinrichten ließ. Der machte ihm in der flucht in groſſer angſt vnd forcht ſelbs ſein Epitaphium mit dieſen worten: Dedecoroſe vixi, turpius peream. Doch darauff ſein Schwerdt auß / vnd erſtach ſich ſelbs. Wie denn andere Eriſen

Bancket Herodts.

senfresser von den Römischen Keysern
mehr / vnder denen die Heiligen Apostel /
Marterer / vnd viel bekennen Christi jem
merlich hingerichtet worden / ihren ge
bürtlichen lohn vnd straffe empfangen
haben.

Der Papst Alexander / des Namens.
der sechste / ein Hispanier / auß dem Ge
schlecht Borgia / welcher neben grausam
er vnzucht / schreckliche Tyrannen vbe
te / vil dapffere leut schendlich hinrichtet /
Auch den gefangenen Türcken / mit Na
men Gemes / durch gift in einem weissen
Zucker tödtet / damit er vom Türckischen
Keyser 200000. Chronen verdient / be
kam endlich auch seinen rechten lohn / vff
solche weise: Sein Sohn Cæsar Borgia
hatte etliche Cardinal auff ein Ban
cket eingeladen / vnd zwö flaschen / die ei
ne mit gutem vngesesschten Wein für
sich vnd seinen Vatter den Papst / Die
ander aber mit vergifftem Wein / von
gedachtem weissen puluer oder vergiff
ten zucker für die Cardinal zugerichtet /

I v **welchs**

Bancket Herodis.

welche flaschen durch den schencken on-
gefehr verwechselt worden / Also das die
Cardinal einen guten labetruncck bekom-
men/dagegen der Wirt sampt de Bapst/
als Vatter vnd Sohn den vergifften
Wein außgefossen/welches der Son als
ein junger starcker Mann mit starcker
Erkney vnd hefftigen brechen oberwun-
den/sein Vatter aber der Bapst nicht o-
berwinden mögen / sondern schendlich
seinen Geist auffgeben müssen. Wie
nachfolgende verßlauten.

*Mirum si vomuit nigrum post fata cruorem,
Borgiae quæ biberat, cõcoquere haud potuit*

Pompilius secundus König in Po-
len inn Polnischer sprachen Poptiel ge-
nañt / welcher so grausam Tyransier-
te/das auch sein name bey vielen leuthen
abschewlich vnd erschrecklich war/daher
man auch noch die Kinder mit solchem
namen zu schrecken vnd zusagen pfe-
get / der Pöpel kömpt / der Pöpel kömpt.
Welcher auch auff eingeben seins Wei-
bes / sich franck gestellet / seiner Bettern
vnd

Bancket Herodis.

vnd Blutsfreunde zwensig zu sich gefor-
dert / dieselben geseget / vnd darauff
durch vergiffen Wein getödtet hat / da-
mit sein Weib vnd Kinder desto besser
beim Königreich bleiben möchte / ist nach
Gottes gerechten zorn / sampt Weib vnd
Kindt von Meusen gefressen worden.
Wie auch Bischoff Hatto / der viel ar-
mer Leuth in einer Schewren verbran-
te / vnd ihrer noch spottete vnd sprach:
Höret / wie schreyen die grossen Meuse /
zu billicher straffe von den Meusen / die
aus der aschen erwachsen / auffgefressen
worden.

Boleslaus Audax, König in Polen /
welcher den frommen Bischoff Stanislaū
zu Cracaw in S. Michels kirchen vorm
Altar getödeet / vñ den Körper durch sei-
ne Diener auß der kirchen schleppen / in
stücke zerhawē vnd ins Feld werffen las-
sen / ist in der flucht im Bingerlandt mit
bösem gewissen herum gezogen / bis er
drüber von seinen könen / auff dem gejäg-
de / von seinem Kopf zu todt gefallen / vnd
von

Vancket Herodis.

von seinen eigenen Hunden / die ihm nachgefolget / zerrissen vnd auffgefressen worden.

Das seind Exempel von hohen vnd grossen leuthen / an welchen **GOTT** die Tyranny / Mordt / vnd Blutuer-
giessung gestrafft hat. Vnter schlechten oder gemeinen leuten erföhret man war-
lich auch schreckliche Historien vnd Exempel / wer nur acht darauff haben wolte.

Das heist warlich: Der Herre geden-
cket vnd fraget nach ihrem Blut / 2.
Der Papst Türcke / Moscowiter / Ty-
rannen / vnd andere blutsüchtige leuth /
lassen sich bedüncken / es sey sonderlich
an armer elenden leuthe blut wenig ge-
legen / niemands werde sich groß drum
bekümmern oder annemen. / Aber hie
vernemen wir / da gleich allen menschen
die Meuler gestopfft würden / daß sich
niemandt der elenden annemen / oder
nach ihnen fragen dörfste / So wil sich
hoch **Gott** selbs irer annemen / vnd durch
ernste

Bancket Herodis.

ernste erschreckliche straffe an den Gott-
losen / nach der armen Christen Blut
dermassen forschen vnd fragen / daß die
Mörder mit schrecklichem herzenleide
erkennen vnd bekennen sollen / in wel-
chen sie gestochen haben.

O Tyranny du böser Gast /
Viel frommer leuth erwürget hast.
Doch vnser Gott vnschuldig blut /
Auch wunderbarlich rechen thut.
Gar wenig man Tyrannen find /
Die reines todts gestorben sind.

Darumb mag ein jeder zusehen / daß
er sich in seines nehesten leib vnd leben
nicht vergreiffe / sondern behülfflich vnd
fürderlich erscheine inn allen Leibes nö-
then. Darauff in gemein diese Wort zu
mercken sein.

Pfalm. 4.

Irascimini, & nolite peccare.

Wann euch der zorn Vexieren wil /
So last in ja nicht vbers ziel.

Cato.

Bancket Herodis.

Cato.

*Contra hominem iustum, prauè contendere
noli,*

Semper enim Deus iniustas vlciscitur iras.

Mit frommen Leuthen thu gemach/
Vnd hab wol achtung auff die sach/
Denn wo dem frommen gewalt / geschicht/
Das leßt Gott vngerochen nicht.

Also können wir nu auß gethanem
bericht vernemen / wie der Teuffel in sei-
nem Bancket in der Welt gar mancher-
ley fröliche Sünden vnnnd Laster / zu fo-
chen / vnnnd seinen Ghesten den Weltkin-
dern auffzutragen pflaget. Vnnnd weil
sich der gröste theil der Menschen inn
solchem Bancket dem Teuffel zu gefal-
len / in allerley Sünden vnnnd Lastern/
gleich mit wollust / fräßen vnnnd mästen/
vngeachtet was GOTT oder der Pfaff
darzu sage / was ist's den wunder daß vn-
ser Herr Gott den firmesbrey / der Welt
fremde / vnd mancherley schreckliche pla-
gen versalzen leßet. Wie denn gewißlich
zu

Bancket Herodis.

zu diesen letzten zeiten / oberzelte Sünden
vnd Laster / neben vielen andern / auß
Gottes gerechtem zorn / nicht allein mit
hefftiger tewerung vnd schwinden Pestis-
lenken / sondern auch mit dem grimmi-
gen Türcken ganz erschrecklich heimsu-
chet vnd gestraffet werden / welcher son-
derlich den gedachten Taffelbrüdern
ins Teuffels Bancket / auff ein jedes Ge-
richt / auch eine sonderliche bittere Sat-
sen fürzusetzen pfleget / dauon gar man-
chem gefangenen Christen nicht allein
die Augen vbergehen / sondern auch wol
gar die Seele außfehret. In solcher ge-
stalt wie folget.

Weil die Welt nach Gottes wort nit I.
fraget / sondern dasselb vnwerth helt vnd
verachtet / so verhenget Gott dem Tür-
cken daß er in eröberung vleser Land vnd
Stätt / Kirchen vnd Schulen greulich
verwüftet / Pferde Ställe drauß macht /
vnd alle winckel mit Mahometischem
Stanck vnd Grewel erfüllet.

Weil die Welt / der edlen Gaben II.
Gottes /

Bancket Herodis.

Gottes als Speiß vnd tranck zum vberflus vnd völlerem gebrauchem / vnd damit zu vielen Sünden vrsach geben. So leßt Gott den Türcken kommen / daß er vns das Futter ein wenig höher leg / hunger vnd kummer leiden lasse / damit wir heilig vnd nüchtern werden.

III.

Weil sich die Welt so gern in Vnzucht welcket / vnd dem Heiligen Ehestand auff mancherley weyse / schand vnd vnehre erzeiget / so sey je kein wunder daß auch vom Türcken / viel arme gefangene Christen von ihren Weibern vnd Kindern gesondert / eins in ein Land / das ander in ein ander Landt verkauffet / vnd dermassen von einander zerstreuet werden / daß sie ihr lebenlang einander nicht mehr sehen können. Müssen oft wider ihren willen / vom Türcken schand vnd vnzucht anschawen / vnd darzu leiden / daß ire Weiber vnd Töchter gar schendlich ihrer ehren beraubet werden.

III.

Weil die Welt mit vnnötigem Geschenck

Bancket Herodis.

schenck vnd gaben/ wil gesehen vn̄ gerü-
met/vnd doch dem armen vnd nottürff-
tigen nit allein nichts gibt/ sondern auch
noch den Rock vnd Mantel gar auß-
zeucht/ So darff sich niemand groß wun-
dern / daß Gott den Türcken kommen
leht / welcher nicht groß nach vnsern ge-
schencken fragt/sondern alies was er fin-
det mit gewalt wegnimpt / vnd was er
nicht fort bringen kan / verbrennet/ver-
heret/vnd verwüset.

Weil die Welt so leichtfertig schwere
vnd den heiligen namen Gottes auff
mancherley weise mißbrauchet / so müs-
sen vil armer gefangener mit schmerzen
anhören/wie von den Türcken der name
Christi vnser Heilands grewlich gele-
stert wirt/vnd dörfen ires Heilands mit
keinem wort gedencen/wd sie nit wöllen
grewlich gepeitschet/geschlagen oder gar
hingerichtet werden.

Weil die Weltkinder so gern heuche-
len / vnd ihnen Heuchlen lassen/ so ge-
schicht ihnen nicht vnrecht / daß sie dem
R Türcken

V.

V l.

Vancket Herodis.

Türcken Heuchlen vnd hofieren müssen
wollen sie jrgend eine gute stundt haben.

Weil die Welt so vnruwig ist/das
jederman grunzet vnnnd sawer sihet / die
leuth sich allenthalben hadern vnd zanz-
cken/räuffen / vnnnd schlagen / Kriegen/
Morden vnnnd Blutuergiessen / vnnnd
zum Frieden gar kein lust haben / So
geschicht vnns warlich recht / das der
grausame Störenfried der leidige Tür-
cke / vnns mehr vnruhe vnnnd Kriegs
verschaffet / damit wir gestreiten kön-
nen / viel Landt vnnnd Stät / Schlöffer
vnnnd Bestungen nach einander ein-
nimpt / vnnnd darinnen viel hundert
tausent Menschen / ohn alle erbarmung
des alters vnnnd personen / ganz grim-
miglich durchsticht / Zerhaeket / zu flei-
schet / erwürget / vnnnd hinrichtet. Des
zum Exempel vnnnd zum Beschluß die
flegliche Historia / so sich am tage De-
collationis Iohannis , Anno 1526. zu-
getragen / wol zu mercken. Wie der
fromme

Vancket Herodis.

Fromme König Ludwig auß Ungern/
auff vngestimmtes anhalten der Vnge=
rischen Herr/ehe dann ihm vom Reich=
gnugsame hilff zukommen/dem Türcki=
schen Keyser Solimanno entgegen gezo=
gen/ aber gar vbel empfangen worden/
also/ daß er mit seinem zeug inn grosser
Eil sich wenden vnd fliehen müssen/
Vnd ist er selbs der fromme König / in
der flucht mit seinem Gaul inn einem
Gesümpff bey Mahas stecken blieben/
vnd jemmerlich ombkommen. Auch ist
der ganze zeug in der flucht getrennet/
geschlagen / vnd sonderlich das fußvolck
von Behmen vnd Deutschen / als sie
ein gute zeit dem Feinde mannlich wi=
derstanden / ist endlich auch erleget/
vnd inn kleine stücke gesebelt wor=
den. Daß also neben dem König Ludwig
bey Fünffzehen Tausent Christen jäm=
merlich ombkommen sein. Wie die Hi=
storia nach der lenge beschrieben / an=
derswo zu finden. Vnd was der Türck

R ij zuuor

Banket Herodis.

zuuor/ vnd hernachmals für grausamen
schaden gethan/ vnd wie er auß Gottes
verhencniß/ vñ vnser Sünd willen mit
den armen Christen Hauszhalten pflē-
get/ des findet man ganz Bücher voll.

Darumb hoch zeit/ daß wir des Teu-
fels Banket/ Sünd vnd Laster fliehen
vnd meiden/ vnd dagegen in der Könige-
lichen hochzeit / des Sohns Gottes / im
Wort vnd Sacrament angestellt / in
dem rechten hochzeitkleidt/ im Glauben
vnd gutem gewissen vnns finden lassen/
auff daß wir in gnaden erhalten / vnd se-
lig werden.

Das helffe vnns G. D. der Vatter vmb
seines lieben Sohns Ihesu Christi
willen / durch den Heiligen
Geist/ Amen.



Der rechten Christen vnd Gottseligen Keim.

Ich leb vnd weiß gewiß wie lang/
Ich sterb vnd weiß wol wie vñ
wann.

Ich far/vnd weiß gewiß wohin/
Mich wundert daß ich traurig bin.
Das thut mein armes fleisch vnd blut/
Das ist verderbt vnd je nit gut.
Hat noch viel giffts vnd ist vnrein/
Beschwert bis in die grube mein.
Die Gott außfegen muß immerdar.
Durch Creuz vnd allerley gefahr.
Damit ich stäts in demut geh/
Im glauben in anruff vnd fleh.
Nit traw auff meine gute werck/
Die für Gott nichts sind dann ferner.
So für im gar nit könnē bestehn. (werck.
Wenn er sein streng gericht lezt gehn.
Hab alle mein gerechtigkeit/
Vnd heuptstück aller seligkeit.
On alle werck in mein H. Ern. Christ/
Welcher allein mein Heyland ist.

R. iij

Gesetz

Gesez / Sünd / Todt / Hell / weich nur
von dan /

Denn ihr kein rechte mehr ahn mir
han.

Bin gefreyt von euch nu allesam /
Allein durchn Glauben an Christi
nam.

Vnd da ich zuviel oder wenig thu /
Das wil mir Gott nit rechen zu
Vmbz Glaubens willen ahn Ihesum
Christ /

Der für mich zur sünd worden ist.
Der hat den Vatter für mich bezalt
In ganz vnd gar zu frieden gestalt.
Das hat der Vatter genommen an
Als hett ichs alles selbs gethan.

On all mein würdigkeit vmb sonst /
Auß lauter seiner genad / Lieb vnd
gunst.

Der schenckt mir sein Gerechtigkeit /
Vnschuld / verdienst vnd heiligkeit.

Vnd will darzu mein engen sein /
Mit all sein gütern in gemein.

Das nem ich mit dem glauben an /

Darum

Darumb muß ich das Ewig Leben
han.

Wils mehrer theil der Sünde gestor=
ben/

Wie mirs mein HErr Christ hat er=
worben.

Das machet mir gar einen freydigen
mut.

Das nit acht weder leib noch gut.

Schlag ein kliplein Todt/ Teuffel vnd
Hell/

Förcht mich für keinem vngesel.

Denn mein GOTT vnd HErr Ihesus
Christ/

Allein mein Schatz trost vnd heyl ist.

Wo der ist da wil ich auch sein/

Mein GOTT gewiß im Himmel
dein.

Dein Antlitz ewig schawen an/

Vnd vnaußsprechlich freude han.

Wie mir dein wort gewiß zusagt/

Bis das will ichs frey haben gewagt.

Weiß daß michs nit betriegen kan/

Ehe muß Himmel vnd Erde ver=
gan.

R iij

Weil

Weil ich den hab/ so der Weg ist/
Die warheit vnd leben Jesum Christ.
Vnd gewiß nu Gottes wohnung bin/
So weiß wo ich sol fahren hin.
Nemlich da mein HErr Jesus Christ/
Im Himmel bey GOTT dem Vatter
ist.

Bin gewiß das mirs nit fehlen kan/
Denn Gott ist ein warhafftig Mann.
Was er zusagt das muß geschehen/
Es müst eh Himmel vnd Erd vergehn.
Hab empfangen die Tauff durchs Prie-
sters hand/

Des HERN warn Leib vnd Blut zu
pfandt.

Das ich sol ewigs Leben han/
Durchn Glauben an des HERN
nam/

Ob sichs gleich anders lest sehn an/
So wirts vnd muß doch gewiß ergan
Solt ich denn nu nit frölich sein/
Mit ehren füren diesen Keim?
So müst ich sein ein geserbter Christ/
Dem es ein scherz / vnd kein ernst
ist.

Dafür

Dafür behüt mich mein HERR vnd
Gott.

Das ich nicht also scherz vnd spot.

Das es nit sey mit mir heucheley/


Nur schein vnd glantz vnd Teu-
scheren.

Betruckt zu
Frankfurt am Meyn/
durch Nicolaum
Wasse.



Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.



AB:52 $\frac{8}{h,16}$


ULB Halle 3
004 199 820



sb.


143





IN
M...

57



4

Herodis Ban-
cket oder Basteren / vber der
Enthauptung Johannis des Teuf-
fers / Marc. 6. In Welchem etliche fürne
me Sünde vnnnd laster / die der Sathan in
der Welt zu lochen vnd auffzutra-
gen pfleget verzeichnet
seyen / &c.

Mit viel schönen Sprüchen / We-
denckwürdigen Historien / Versen vnd
Reimen / erkläret vnd außges-
legt. Durch

SIGISMVNDVM SVEVVM.
Freistadiensem, Prediger
zum Lauben.

*Dum securi homines lautè conuiuia curant,
Excutiturq; omni cum pietate Deus:
azarus ante fores iacet: ac cadit ense Iohannes:
Omnia qui cernit, vindicat ista Deus.*

Getruckt zu Franckfort am Mayn.
M. D. LXXV.

